

摘藻堂四庫全書薈要

子部

欽定四庫全書薈要

子部

御定駢字類編卷四十一

欽定四庫全書薈要卷一萬一千九百四十

子部

御定駢字類編卷四十一

山水門六



明一統志——在撫州府樂安縣北六十里世傳王司空閱武山間修——以為遊觀之所下有足

跡長可二尺餘水心題跋歐陽文忠公——硯屏余見於陳文懿公裔孫忠懿家云公昔所贈也林滋望

九華山詩蘿煙——相蔽虧天風裊裊猿吟吟又宋史藝文志余安行——老人文集三十五卷

石星

高道素上元賦絳千輪之冰月散萬點之——

石霜

貫休聞無相道人順世詩
——既順世吾師亦不住

石雨

孟郊遊石龍湫詩石龍不見形——如散星
陳旅詩坐人硯池生——海棠枝上雪都晞

石雲

李賀黃頭郎詩玉瑟
調青門——濕黃葛

石露

鮑照詩山煙疊予——凝王逢詩——溥雲氣
池風損水痕又劉長卿苦熱行——山木樵鱗

窮水泉涸范成大雪後詩九陌
泥乾塵未動南山——塔猶明

石凍

岑參輪臺歌劍河風急雪
片闊沙口——馬蹄脫

石冰

晉書五行志太安元年丹陽湖熟縣夏架湖有大
石浮二百步而登岸民驚噪相告曰石來于寶曰

尋有——
入建鄴

石風

孟郊峽哀詩
見石齒下

石尤

容齋隨筆
風者傳聞石氏女嫁為尤郎婦情好甚篤尤出不

歸妻臨亡歎曰吾恨不能阻其行以至此今凡有商賈
遠行吾當作大風為天下婦人阻之自後商旅發船值

打頭風則曰此風也婦人以夫姓為名故曰戴

宋孝武帝丁督護歌願作風四面斷行旅

叔倫詩知君未得去慚媿風詩罔象睢眴頻逞怪人

酒不及風元稹遭風詩罔象
翻動忽成災李商隱詩
去夢隨川后来風竚詩

石虹

明一統志
縣北十里有橫石跨水文彩若虹
山在饒州府餘干

石火

關尹子情生於心心生於性情波也心流也性水
也來干我者如一一傾以性受之則心不生物

新論人之短生猶如——炯然以過唯立德貽愛為不朽也
潘岳河陽縣作歟如敲——警若截道颺白

居易對酒詩蝸牛角上爭何事——光中寄此身李
賀南園詩沙頭敲——燒竹照漁船殷堯藩暮春述

懷詩鄰屋有聲敲——野禽無語避茶煙張喬送新
羅僧詩落帆敲——宿島汲瓶泉寒山詩徒閑蓬門

坐頻經——遷子蘭短歌
行人生——光通時少于塞

石煙鮑溶巫山懷古詩十二峰巒
鬪翠微——花霧犯容輝

石秋齊書州郡志安昌郡——宋史李全傳全圍海
城金經略阿不罕納不刺等固守不下七月合鄆

單邳徐兵來援全與戰
於高橋不勝退守——

石陰無可遊山寺詩多年
人跡斷殘照——清

石地

晉書索靖傳先時靖行見姑臧城南——曰此後當起宮殿至張駿於其地立南城起宗廟建宮殿

焉

石泥

禮記禮器因名山升中于天注孝經說曰封乎泰山考績燔燎禪乎梁父刻石紀號也疏或曰封者

金泥銀繩或曰——金繩封之印璽唐書禮樂志玉牒於山上以方石三枚為再累纏以金繩封以——印

以受命之璽

石國

舊唐書韋弘機傳貞觀初弘機使西突厥會——叛道梗三年不得歸裂裾祿所過風俗物產為西

征記

唐書張廷珪傳時遣使齎繒綿至——市犬馬廷珪曰犬馬非土性弗畜珍禽異獸不育於國不宜勞

遠人致異物

又西域傳龜茲國南有——周朴塞上曲——胡兒向磧東愛吹橫笛引秋風

石紐

蜀志秦宓傳禹生——今之汶山郡是也注譙周
蜀本紀曰禹本汶山廣柔縣人也生於——其地

名剗兒坪

宋書符瑞志帝禹有夏氏母曰脩已出行

見流星貫昴

夢接意感既而吞神珠脩已背剖而生禹

於——

吳越春秋鯀娶於有莘氏之女名曰女嬉年

壯未孳

嬉於砥山得薏苡而吞之意若為人所感因而

姪孕剖脅而產

高密家於西羌地曰——石紐在蜀西

川也

遁甲開山圖榮氏解曰女狄暮汲於——山下

大祠前水中得月精如雞子

愛而含之不覺而吞遂有

身十四月而生夏禹

地理通釋禹生自西羌皇甫謐

曰孟子稱禹生于——

西夷人也括地志——山在茂

州汶川縣

明一統志——山在龍安府石泉縣治南

梁元帝簡文帝法寶聯璧序粵乃書稱湯誥篇陳夢

說昔則王畿居亳今則帝業維揚功施天下我之自出

豈與姚墟——譙城溫縣御龍居夏唐杜八周而已哉

庚信周車騎將軍賀婁公神道碑銘途登——路入

金城 鮑照從過舊宮詩
虎變由 龍翔自鼎湖

石阡

明一統志 府禹貢荊州南裔
江在 府治西下流入烏江 又

石州

唐書地理志 昌化郡本離石郡天寶元年更
名 又中宗庶人韋氏傳太史迦葉志忠表上桑

條歌十二篇言后當受命曰昔高祖時天下歌桃李太

宗時歌秦王破陣高宗歌堂堂天后世歌武媚娘皇帝

受命歌英王 后今受命歌桑條韋蓋后妃之德專

蠶桑共宗廟事也乃賜志忠第一區絹七百段 又李

逢吉傳有武昭者陳留人果敢而辯度之討蔡遣說吳

元濟元濟臨以兵辭不撓厚禮遣還度署以軍職從鎮

太原除 刺史 又吐蕃傳貞元三年命左庶子崔

幹李錡踵使結贊得鹽夏皆戍以兵乃自屯鳴沙然饋

餉數困於是駱元光韓游瓌濱塞而屯馬燧次 跨

河相倚角結贊大懼屢請盟天子不許即以貴將論頗

熱厚賂乞和於越元史地理志——唐初改離石郡為——又改昌化郡又仍為——宋金因其名元中統二年省離石縣入本州三年復立至元三年省溫泉入孝義以臨泉為臨州舊置司候司後與孟門方山俱省

入離石

石平

元史地理志——州在路之西南阿楚蠻據之得石研聚為居邑名曰石坪至元七年改邑為州隸

路臨安

石晉

元史地理志濬州唐置黎州後廢——置濬州宋為通利軍又改平川軍金復為濬州元初隸真定

至元二年隸大名

石陽

魏志文聘傳孫權以五萬衆自圍聘於——甚急聘堅守不動住二十餘日乃解去聘追擊破之

吳志孫奭傳黃武五年權攻——奭以地主使所部將軍鮮于丹帥五千人先斷淮道自帥吳碩張梁五千人

為軍前鋒降高城得三將大軍引還宋書州郡志江夏又有曲陵縣本名——吳立晉起居注太康元年改

江夏——曰曲陽明帝泰始六年併安陸齊書五行志見山麓下水經贛水又東北過——縣西明一

統志——城在臨江府新淦縣東南五十里

石邑史記趙世家王軍取鄣——封龍東垣注正義曰括地志云——故城在恒州鹿泉縣南三十五里

六國舊時邑漢書地理志常山郡縣——又陳餘傳李良已定常山還報趙王趙王復使良略太原至——

——魏志文帝紀延康元年八月——縣言鳳凰集明一統志——城在真定府獲鹿縣城北史記趙武靈

王攻中山取——即此

石埭

舊唐書地理志池州——縣永泰二年割秋浦浮梁黟三縣置治古——城明一統志——縣在

池州府城東南一百六十里本漢陵陽石城涇三縣地屬丹陽郡三國吳置——場梁因置——縣以有兩石

橫亘溪上如埭故名又林逋上湖閒泛詩青山連——

春水入柴扉蘇軾再過超然臺贈太守霍翔詩願

公談笑作——坐使城郭生溪灣又明

一統志——山在惠州府城西南七里

石照

地理通釋銅梁在合州——縣南五里又聞見近錄鄂州黃鶴樓下有石光徹名曰——

石康

宋史食貨志鹽法江南之南安軍廉州白石——二場歲鬻三萬石以給本州及容白欽化蒙龔藤

象宜柳邕潯貴賓梧橫南儀鬱林州明一統志廢——縣在廬州府城北三十里

石抗

齊語與諸侯戮力同心西征攘白翟之地至於西河方舟設汭乘桴濟河至於——縣車束馬踰大

行與辟耳之谿拘夏西服不沙西吳南城周反昨於絳嶽濱諸侯莫不來服

石鄉

漢書地理志北
海郡縣

石成

漢書地理志右
北平郡縣

石蕃

宋史黔涪施高徽外諸蠻傳熙寧元年有方異玃三年有張漢興各以方物來獻授異玃靜蠻軍漢

興捍蠻軍並節度使六年龍蕃羅蕃方蕃一八
百九十人入覲貢丹砂羶馬賜袍帶錢帛有差

石睽

元史地理志鎮康路在桑遠路之南蘭江之西其地曰一一亦黑焚所居中統初內附至元十三年

立為路隸
宣撫司

石羅

唐書地理志綏州上郡延福武德六年析置北吉州并置歸義洛陽二縣又析置羅州并置一一關

善萬福三縣又析置巨州并置安定源泉二縣貞觀二年州縣皆廢

石窮

左傳齊師敗績自徐闕入辟女子女子曰君免乎曰免矣曰銳司徒免乎曰免矣曰苟君與吾父免

矣可若何乃奔齊侯以為有禮既而問之辟司徒之妻也予之——宋史職官志太醫之微司歷之賤率荷

蓼蕭之澤亦疏——之封恩雖出於殊常職不循於經制庾信紇豆陵氏墓誌漢王聞立義之婦邑以延鄉

齊侯見有禮之妻封之——王維故南陽夫人樊氏輓歌——恩榮重金吾車騎盛

石碕

宋書杜慧度傳盧循襲破合浦徑向交州慧度乃率文武六千人距循于——交戰禽循長史孫建

之

石阿

史記趙世家成侯十一年秦攻魏趙救之——

石梵

魏志文聘傳文帝踐祚進爵長安鄉侯假節與夏侯尚圍江陵使聘別屯沔口止——自當一隊禦

賊有功遷後將軍封新野侯

石徼

三輔故事漢周亞夫軍於細柳今——是也西有細柳倉

石隰

宋史耿全斌傳拜雄州刺史知深州徙——部署以備河西

石寨

明一統志——在梧州府勾漏山隱然如城寨

石城

史記趙世家十八年秦拔我——注正義曰地理志云右北平有——州漢書食貨志神農之教

曰有——十仞湯池百步帶甲百萬而無粟弗能守也

後漢書郡國志丹陽郡縣——晉書羊祜傳吳——

——守去襄陽七百餘里每為邊害祜患之竟以詭計令吳罷守於是戍邏減半分以墾田八百餘頃大獲其利

又進據險要開建五城收膏腴之地奪吳人之資
以西盡為晉有自是前後降者不絕又甘卓傳時

湘州刺史譙王承遣主簿鄧騫說卓人臣之義安忍國
難而不陳力何以北面於天子邪使大將軍平劉隗還

武昌增一守絕荆湘之粟將軍安歸乎勢在人手
而曰我處廟勝未之聞也又庾亮傳襄陽北接宛許

南阻漢水其險足國其土足食宜移鎮襄陽之一下

宋書州郡志一令漢舊縣又樂志陵九天陷一

陵臧質為竟陵郡於城上見少年歌謠通暢因作此曲
齊書州郡志宣城郡一唐書樂志一在竟

名一樂莊子天子之劍以燕谿一為鋒齊岱為
鐔晉魏為脊周宋為鐔韓魏為夾包以四夷裹以四時

繞以渤海帶以常山制以五行論以刑德開以陰陽持
以春夏行以秋冬此劍直之無前舉之無上按之無下

運之無旁上决浮雲下絕地紀此劍一用匡諸侯天下
服矣此天子之劍也淮南子西方之極自崑崙絕流

沙沈羽西至三危之國——金室飲氣之民不死之野
少皞蓐收之所司者萬二千里又江水之始出於岷

山也可撻裳而越也及至乎下洞庭驚——經丹徒起
波濤舟航一日不能濟也越絕書烏程餘抗黟歙蕪

湖——縣以南皆故大越徙民也秦始皇刻石徙之
水經河水又東逕——南左右北谷水注昔段頤擊羌

於——投河墜坑而死者八百餘人又沔水又東過
牛渚縣南又東至——縣又燭水有二源左水出於

衡嶺世謂之——山其水東北流逕——西東北合右
水右水出——山東北逕——東東北入左水丹陽

記——頭——吳時始土塢義興加磚累石頭因山以為城
因江以為池形險固有奇勢故諸葛亮曰鍾山龍蟠——

——虎踞南康記南康縣歸義山去縣七百里下有——
——高數丈遠望嵯峨靈閣騰空故老謂之神闕明一

統志——在潞安府黎城縣南八十里趙石勒築此以
貯糧又——縣在高州府化州城西一百十里又

一廢縣在永平府灤州西九十里 又一一山在萊
州府即墨縣東南三十里淮涉水源發于此 又一一
山在湖州府武康縣西南三里漢末赤眉之亂邑人壘
一一以禦寇因名 又一一山在湖州府城西南三十
里昔烏程人嚴白虎於此壘一一為一一與呂蒙戰至今山
上有弩臺烽樓走馬將臺遺址 又一一山在遼盖州
衛東北一十五里上有一一城中有泉世傳唐太宗征
高麗土人居此以避兵 又一一山在太平府城東二
十里有石環繞如城唐羅泰有一一記周成王時楚熊
繹受封於此 又一一山在金華府永康縣南十四里
遙望山際若一一然 又一一洞在江寧府石頭西嶺
下臨大江當嶄絕之處有洞戶真誥云此中有洞天也
雲笈七籤吳王闔閭時王出遊包山見一人在中問
曰汝是何人答曰我姓山名隱居闔閭問曰予在山必有
異見者試為吾取之隱居諾乃入洞庭訪遊乎地天一
千五百里乃至焉見一一不敢輒入乃於外齋戒三

日然後入見其——門開於室內玉几上有素書一卷
文字非常即便拜而奉出呈闕閭 劉向九歎平明發

乎蒼梧夕投宿兮——江掩蕭相國讓進爵為王表
戈船發於江湖戎車出於——然後雲徹席卷虔劉巨

禍臣實惡焉 左思吳都賦戎車盈於——戈船掩乎
江湖 庾信哀江南賦戎車屯於——戈船掩乎淮泗

古樂府莫愁在何處莫愁——西 杜甫觀公孫大
娘子舞劍器行金粟堆南木已拱瞿塘——草蕭瑟

又虎牙行壁立——橫塞起金錯旌竿滿雲直 又
寫懷詩見山北下 又將曉詩——除擊析鐵鎖欲開

闕 李商隱——詩——詩窈窕花縣更風流 又燕
臺詩——景物類黃泉夜半行郎空拓彈 杜牧越中

詩——花暖鷗鵠飛征客春帆秋不歸 又聞范秀才
自蜀遊江湖詩歸時慎行李莫到——西 李羣玉送

蕭十二校書赴郢州婚婦詩領取和鳴好風景——花
月送歸鄉 胡曾——詩古郢雲開白雪樓漢江還遠

——流 鄭谷——詩——昔為莫愁鄉莫愁魂散——
 荒 陸 翱趙氏北樓詩酒闌珠露滴歌迴——秋

羅隱寄韋贍詩——蓑笠阻心期落盡山花有所思
 羅虬比紅兒詩——有個紅兒貌兩槩無因迎莫愁

石頭 吳志孫權傳建安十六年權徙治秣陵明年城——賊
 晉書成帝紀咸和四年春正月帝在——

將匡術以苑城歸順百官赴焉 又王渾傳王濬破——
 降孫皓威名益振 又庾亮傳亮有開復之謀率大

衆十萬據——城為諸軍聲援 又戴洋傳王導遇病
 召洋問之洋曰君侯本命在申金為土使之主而於申

上——立治大光照天此為金火相爍水火相煎以故
 受害耳導即移居東府病遂差 吳錄劉備曾使諸葛

亮至京因覩秣陵山阜乃歎曰鍾山龍盤——虎踞帝
 王之宅也 元和郡國志——城在昇州上元縣西四

里即楚之金陵城也吳改為——城 明一統志——
 城在江寧府西二里 又太平府形勝鐵甕直其東——

枕其北 徐陵為陳武帝與北齊廣陵城王書去歲
柳達摩等 一 天井連月亢陽三子纔降連冬大雪黃

袍盡沒白帳皆浮 本參詩君家臨秦淮傍對 一 城

高適奉酬睢陽李太守詩郡邑連京口山川望 一 一

出 劉禹錫西塞山懷古詩千尋鐵鎖沉江底一片降旂
一 一 李商隱有感詩竇融表已來關右陶侃軍宜

次 一 一 又宋史河渠志知常州章冲奏常州東北曰

深港利港黃田港夏港五斗港其西曰竈子港孟瀆泰

伯瀆烈塘江陰之東曰趙港白沙港 一 一 港陳港蔡港

私港令節港皆古人開導以為溉田無窮之利者也

又水經注贛水之西岸有磐石謂之 一 一 津步之處也

又明一統志 一 一 山在韶州府城北十三里山上有

石高峻有二聖真身下建 一 一 寺 又崔國輔 一 一 灘

詩悵矣秋風時余臨 一 一 瀨 又張九齡候使 一 一 驛

詩念君 一 一 驛寄書黃鶴樓 又宋史藝文志 一 一 和

尚參同契一卷 傳燈錄鄧隱峰參 一 一 和尚馬祖止

之曰——路滑既往果為——所困無一語而還冷
齋夜話東坡邀劉器之同參玉版和尚至則燒筍而食
器之覺筍味勝問何名東坡曰玉版也為作偈云不怕
——路來參玉版師聊憑錦抹子與問釋龍兒寒山
詩饑餐一粒伽陀藥心地調和倚——又輟耕錄回
回——種類不一其價亦不一大德間本土巨商中賣
紅刺一塊於官重一兩三錢估直中統鈔一十四萬定
用嵌帽頂上自後累朝皇帝相承寶重凡正旦及天壽
節大朝賀時則服用之呼曰刺亦方言也又世說王
東亭作宣武主簿嘗春月與——兄弟乘馬出郊時彥
同遊者連鑣俱進唯東亭一人常在前覺數十步諸人
莫之解——等既疲倦俄而乘輿回諸人皆似從官唯
東亭奕奕在前其悟捷
如此注——桓遐小字

石堡

唐書宗室律傳初吐蕃據——城數盜塞詔緯與
河西隴右議攻取又吐蕃傳以大理卿劉元鼎

為會盟使元鼎與論訥羅就盟其國過一城崖壁峭
豎道回屈虜曰鐵刀城宋史沈括傳大將景思誼曲

珍拔夏人唐崖葭蘆浮圖城括議築一以臨西夏而
給事中徐禧來禧欲先城永樂詔禧護諸將往築令括

移府並塞以濟軍用已而禧敗沒明一統志一寨
在延安府保安縣北又見山橋下晁補之披榛亭

賦西屠一飲馬瀚海儲光義哥舒

大夫頌德詩大非四決軋一高崢嶸

石盧水經河水又東逕塞泉城南而東注又東過雲中
棧陵縣南注魏土地記曰雲中城東八十里有成

樂城今雲中郡治

一名一城也

石井

宋史兵志泉州五砦注都巡同巡一小兒三縣
又神異經東南有一其方百丈上有二石闕

俠東南面上有蹲熊有榜著闕曰地户水經注相東
陰山縣有侯曇山上有靈壇壇前有深深數尺居常

無水及臨祈禱則甘泉湧出周用則已又陽水又東北流——水注之水出南山頂洞開望若門焉俗謂是山為磬頭山寰宇記廣州記曰鬱林郡有——半甘半淡潛通江波冬夏常盈名曰司命井周給闔境也其井水竭即土人疫稼穡不登以為候錄異記洪州建昌縣界有——深而無水有好事者持火入其中旁有橫道莫知遠近安城記羅宵山有——天旱祠之以水投井中即雨至井溢木出乃雨止明一統志——在寧國府涇縣南六十里其泉清澈甘冷昔有仙人過飲石上馬跡尚在又——在常州府江陰縣大寧坊俗呼舜井遇旱不涸又——在吉安府永豐縣南二十里深闊丈餘風雨晦冥時見金鴨出沒其間又——在廣信府鉛山縣北四里井上石文隱起錯鏤垂下如蓮花倒生其水清冷甘美溉田數百畝又——在延安府青澗縣治西宋种世衡所鑿又——峽在臨洮府城北一百二十里中有泉水四時不竭又——

岡在真定府城西北七里一名龍岡岡上有井大如車輪漢光武營軍所鑿又一名泉在蘇州府虎丘山一

云陸羽泉羽以此泉為天下第三井傍有亭為烹茶之所又一名書院在泉州府晉江縣西南一名鎮舊名

鰲頭精舍宋紹興初朱松嘗為鎮於此有教及民後朱子來官同安至鎮訪父時事講訓益勤嘉定中鎮官游

絳立為書院繪二先生之像而祀焉陶弘景吳太極左仙公葛公之碑半尋一日汲莫測其源三足白麕

百齡不異其質李賀題趙生壁詩木蘇青桐老水聲發又詠懷詩長卿懷茂陵綠草垂張喬

題詮律師院詩紗燈留火細一灌瓶清

石橋晉書桓石虔詩初袁真以壽陽叛石虔以寧遠將軍南頓太守帥諸將攻之剋其南城又擊苻堅將

王鑒於一獲馬五百匹除竟陵太守齊書樂志永明六年赤城山雲霧開朗見一瀑布從來罕所覩也

山道士朱僧標以聞上遣主書董仲民案視以為神瑞
太樂令鄭義泰案孫興公賦造天台山伎作萼苔——
道士捫翠屏之狀尋又省焉又張冲傳光靜戰死冲
固守不出景宗于是據——浦連軍相續下至加湖
唐書僖宗紀中和元年七月昭義軍節度使高潯及黃
巢戰於——敗績宋史李允則傳架——構亭樹列
隄道以通安肅廣信順安軍元史河渠志復有程同
程章二——阻咽水勢擬開減水月河二道可久且便
下相藥城縣南視趙州寧晉縣諸河北之下源也形低
下恐水泛經藥城趙州壞——阻河流為害水經注
梁山之西南有呂仲梯墓河東岸有——橋本當河河
移故側岸也述異記秦始皇作——於海上欲過海
觀日出處有神人驅石去不速神人鞭之皆流血今——
——其色猶赤三齊略記秦始皇於海中作——海神
為之豎柱始皇求為相見神云我形醜莫圖我形當與
帝相見乃入海四十里見海神左右莫動手工人潛以

脚畫其狀神怒曰帝負約速去始皇轉馬還前脚猶立
後脚隨崩僅得登岸畫者溺死於海衆山之石皆傾注

今猶岌岌東趣 啟蒙記注天台山猶溪水險前有
一徑不盈尺長數十丈下臨絕澗 朝野僉載趙州

一望之如初月出雲長虹飲澗 避暑錄話晁任道自
天台來以一一藤杖二為贈自言親取於懸崖間柔韌

而輕堅如束筋余往自許昌歸得天壇藤杖數十外圓
實與此不類而中相若 明一統志一一在平涼府崆

峒山兩峰之間有巨石橫亘名仙人一一峰頂有石碁
盤紋俗呼為仙人著碁臺 又一一在撫州府樂安縣

西四十里其石高砢如橋橋側有動石可運轉 又
一一山在鳳翔府岐山縣南三十里 又一一山在台州

府天台縣北五十里傍有方廣寺有小一一架兩崖間
其下有澗合流於橋下橋勢峭峻過者目眩心悸 又

一一河在太原府自孟縣界西南流經陽曲城西南合
洛陽水河有一一故名 雲笈七籤唐茅山昇真王先

生大建末靜室中忽有一神人醉卧嘔吐先生然香禮
候神人曰卿是得道之人張法本亦甚有心吾欲並將
遊天台山——廣闊可過得彼多散仙人又常降甘露
以器盛之服一升可壽得五百歲謝靈運山居賦凌
——之莓苔越橘溪之紆縈張正見詩雲歸仙井暗
霧解——通宋之問靈隱寺詩待入天台路看余度
——庚信詩扶風——北函谷故關前李白詩——
——如可度攜手弄雲煙高適魯西至東平詩沙岸拍
不定——水橫流又睢陽酬別詩諸將出冷陁連營
濟——劉長卿送少微上人遊天台詩——人不
獨往更迢迢盧綸題金濟寺壘上人院詩見山閣下
劉禹錫送元簡上人適越詩更入天台——去乘珠
璀璨拂三衣又送霄韻上人遊天台詩曲江僧向松
江見又到天台看——元稹和友封題開善寺詩亞
樹牽藤閣橫查壁——孟郊桐柯石詩惟餘——在
猶自凌丹虹李商隱海上詩——東望海連天徐福

空來不得仙
姚合送僧真實歸杭州天竺詩
一寺

裏最清涼
聞說苑庵寄上方
施肩吾山中翫白鹿詩

呦呦白鹿毛
如雪踏我桃花過
一僧
周賀贈朱慶餘

校書詩
樹停沙島
鶴茶會
一僧
朱慶餘送元處士

遊天台詩
若過
一
看瀑布不妨高處便題名
喻鳧

贈張漬詩
見華頂下
趙嘏尋僧詩
溪戶無人
谷鳥飛

一橫木掛禪衣
項斯寄
一僧詩
逢師入山
日道

在
一
邊
張喬贈頭陀僧詩
自說年深別
一
遍遊

靈跡熟南朝
羅隱題元同先生草堂詩
一
春暖後

句漏藥成初
無可禪林寺詩
冷色
一
月素光華頂

雲皎然送邢台州濟詩
海上仙山屬使君
一
琪樹

古來聞
靈一妙樂觀詩
瀑布西行過
一
黃精採根

還採苗
寒山詩
夢去遊金闕
魂歸度
一
景雲畫

松詩
曾在天台山上見
一
南畔第三株
拾得詩
一

一莓苔綠時見
白雲飛
蘇軾雁蕩山圖詩
東海獨來

看出日
一
先去踏長虹
馬祖常錢塘潮詩
一
西

畔竹棚斜閣日浮舟閱歲華
朱德潤遊虎邱詩——楊柳半塘寺修竹梨花金氏園

石杠

爾雅——謂之倚注聚石水中以為步渡約也
孟子歲十一月徒杠成疏徒杠者說文云——杠石

橋也俗作——從木所以整其徒步之石

石灣

明一統志——橋在萊州府昌邑縣東北十五里

石梁

晉書魏浚傳及洛陽陷屯于洛北——塢撫養遺衆漸修軍器其附賊者皆先解喻說大晉運數靈

長行已建立歸之者甚衆
宋書符瑞志元嘉十九年九月戊申廣陵肥如——澗中出石鍾九口大小行次

引列南向南兗州刺史臨川王義慶以獻
又鄧琬傳寧朔將軍試守西陽太守吳興全景文尚書比部郎吳縣孫超之假輔國將軍右衛將軍南彭城劉亮等三人並經晉陵苦戰景文超之仍又北討破釜水軍斷賊糧

運及經葛冢——二處破賊亮南伐經大戰又最處險

劇景文今封西陽郡孝寧縣超之封長沙郡羅縣亮封

順陽縣並開國侯食邑六百戶齊書高帝紀索兒引

軍頓——太祖追之至葛冢侯騎還云賊至太祖乃頓

軍引管分兩馬軍夾營外以待之俄頃賊馬步奄至又

推火車數道攻戰相持移日乃出輕兵攻賊西使馬軍

合擊其後賊衆大敗宋史劉錡傳金人攻廬和二州

錡引兵出清溪兩戰皆勝行至柘臯與金人夾——河

而陣呂覽齊桓公良車三百乘教卒萬人以為兵首

橫行海內天下莫之能禁南至——西至鄴郭北至令

支淮南子股出樵山鎬出鮮于涼出茅廬——水

經注洹水又東枝津出焉東北流逕鄴城南謂之新河

又東分為二水北逕東明觀下又北逕建春門——不

高大治石工密舊橋夾建兩石柱螭矩趺勒甚佳又

清水又東逕故——下梁跨水上橋石崩褫餘基尚存

又愚山東有愚公冢杜山北有愚公谷以其人狀愚

故謂之愚公故山水有——亦謂為——水睦州古蹟記為龍頭角鬣尾及爪痕如玉者各一在內洞右為

蒼白兩龍鱗鬣欲夾——飛度者一在上洞左角地理通釋天長有——堰明一統志——河在開封府

臨潁縣北三十里東南入黃河又——城在順天府東安縣東南唐武德間移安次縣治於——城即此

又鳳陽府形勝長淮橫北——環西

石會

唐書石雄傳武寧李彥佐討劉稹逗留以雄為晉絳行營諸軍副使助彥佐是時王宰屯萬善劉沔

屯——關顧望莫先進雄受命即勒兵越烏嶺破賊五壁斬獲千計賊大震宋史向拱傳漢祖在晉陽招致

天下士將往依之中途遇盜見拱狀貌雄偉意為富家子隨之將劫其財拱覺行至——關殺所乘驢市酒會

里中豪傑告其故咸出丁壯護拱至太原又魏書奚斤傳太宗大閱於東郊治兵講武以斤行左丞相大蒐

於山

石夾

明一統志——口關
在南陽府唐縣東北

石田

左傳吳將伐齊越子率其衆以朝焉王及列士皆有饋賂子胥諫曰越在我心腹之疾也壤地同而

有欲于我夫其柔服求濟其欲也不如早從事焉得志于齊猶獲——也無所用之越不為沼吳其泯矣魏

書游肇傳六里胸山地實接海陂湖下溼人不可居郁洲又在海中所謂雖獲——終無所用 舊唐書李密

傳——得而無堪雞肋啖而何用 宋史田錫傳交州瘴海得之如獲——十六國春秋董景道出山廬於

渭汭曜徵為太子少傅辭曰余在萬山中草木可以庇風雨——可以具饘粥朝家事非山野人所願聞也

易林——無稼苦費功力 柳宗元韋永州謝上表左衽居椎髻之半可墜乃——之餘 杜甫寄贊上人詩

亭午頗和暖——又足收——又醉時歌先王早賦歸去
來——茅屋荒蒼苔——王建原上新居詩——無力及

賤賃與人耕——殷堯藩送劉禹錫侍御出刺連州詩此
去定和償隱趣——春雨讀書耕——馬戴集宿姚侍御

宅懷永樂宰殷侍御詩——虞芮集種樹白雲陰——皮
日休雲南詩共作真官戶無由稅——元好問岳山

道中詩野禾成穗——黃山水無風雨氣涼——郭鈺簡
王志元詩——秋雨喧雞鶩早附冥鴻萬里風——翟欽

甫清庵詩金井玉壺秋水冷——茅屋暮雲平——素士
元和城南書舍詩間種——供鶴料旋開園治買魚裁

石路——洛陽伽藍記崎嶇——似壅而通崢嶸澗道盤紆
復直——水經注穀水又東逕于雍谷溪回岫縈紆

——阻峽故亦有峽石之稱矣——謝眺楚江賦明沙宿
莽——相懸——江淹赤虹賦昏青苔於丹渚暖朱草於

詩——謝莊懷園引青苔蕪——宿草塵蓬門——吳均
詩抽蘭開——剪竹製山扉——江總侍宴瑤泉殿詩水

亭通粉詰——接堂皇王維酬虞部蘇員外過藍田
別業不見留之作見山家下盧象送祖詠詩——雪

初下荒村雞共飛岑參暮秋山行詩蒼旻霽涼雨——
無飛塵戴叔倫過柳州詩火雲三月合——九疑

深盧綸和崔侍郎遊萬固寺詩——青苔花漫漫雪
檐垂溜玉森森李益入南山至全師蘭若詩——瑤

草散松門寒景深王建九仙公主舊莊詩仙居五里
外門西——親回御馬蹄孟郊崢嶸嶺詩坐嘯郡齋

肅玩奇——斜歐陽詹送聞上人遊嵩山詩丹梯——
君先去為上青冥最上頭李紳逾嶺嶠止荒陬抵

高要詩陰森——盤縈紆雨寒日煖常斯須杜牧池
州廢林泉詩——尋僧去此生應不逢溫庭筠寄清

源寺僧詩——無塵竹徑開昔年曾伴戴顓來柴夔
望九華山詩龍池水蘸中秋月——人攀上漢梯劉

得仁山中尋道人不過詩——特來尋道者雲房空見
有仙經曹唐劉晨阮肇遊天台詩樹入天台——新

雲和草靜迴無塵
崔塗贈休糧僧詩
坐臺無鳥下
一有雲埋
蘇軾詩
一紫迴九龍
春水光翻動五湖

石道

劉禹錫和浙西李大夫晚下北固山詩
種松夾一紆組臨沙阜

石徑

江淹閩中草木詩
見山道下
戴叔倫寄劉禹錫詩
謝相園西一斜知君習隱暫為家
白居易

題天竺南院詩
竹寺過微雨
一無纖塵
歐陽詹薛舍人使君觀察韓判官侍御許雨晴到所居
既霽先呈

即事詩
豈不偶然聊為竹空令
一掃莓苔
姚合郎中書事寄默然上人詩
看月江樓曉尋山
一秋馬

戴送王道士詩
霓裳雲氣潤
一術苗香
曹唐題武陵洞詩
仙人永往無行跡
一春風長綠苔
唐彦謙

過三山寺詩
一侵高樹沙灘半種苗
杜荀鶴戲題王處士書齋詩
一可行苔色厚釣竿時斫竹叢疎

羅隱感懷詩——松軒亦自由謾隨浮世逐飄流蜀
太妃徐氏題金華宮詩碧煙紅霧漾人衣宿露蒼苔——

——危劉因宿華陽臺詩——

盤盤擁亂霞雲間雞犬是誰家

石塘

宋史河渠志太平興國三年正月西京轉運使程
能獻議請自南陽下向口置堰迴水入——沙河

合蔡河達於京師以通湘潭之漕又宗室彥傑傳知
紹興府築捍海——亦置莊以備增築又占城國傳

羅皮帝加言國人詣廣州或風漂船至——即累歲不
達矣元史河渠志杭州路又言八月以來秋潮洶湧

水勢愈大見築沙池塘岸東西八十餘步造木櫃石固
以塞其要處本省左丞相脫歡等議安置石固四千九

百六十抵禦鏖鬪以救其急擬比荆江立——可以久
遠計越絕書——者越所害軍船也塘廣六十五步

長三百五十三步去縣四十里水經注汾水分為二
流北瀆即智氏故渠也其南瀆於——之下伏流逕舊

谿東南出逕晉陽城南又匯水又東南入陽山縣右合連口水出縣西北一百一十里一村明一統志

一在湖州府德清縣東北十八里臨大溪即古之武承塘東岸為東一西岸為西一聯接數里又

一山在台州府城西三十里上有石峽飛瀑注塘中水底有石柱日朗即現俗呼龍盤石又一一水在直隸

滁州來安縣西北二十里段成式後詩影沈已峽夜巖色蹤絕一一寒瀨聲

石岸宋史河渠志高宗紹興末以錢塘一一毀裂潮水漂漲民不安居令轉運司同臨安府修築水經

文水出大陵縣西山文谷注又南逕縣右會隱泉口水謁泉山之上頂其山一一地險壁立天固江淹靈丘

竹賦鬱春華於一一艷夏彩於沙汀王勃採蓮賦稅龍馬於金隄命鳧舟於一一皮日休太湖石詩茲山

有浪如受一抵屠

石堰

唐書食貨志河南尹裴迴以八遞傷牛乃為交場兩遞濱水處為宿場分官總之自龍門東山抵天

津橋

為一以過水

宋史河渠志汴河中舊有一

修廣

皆百步捍水雄壯

謂之將軍堰廢壞已久杜思淵

嘗請

興修而功不克就

其後止造木堰凡用梢椿萬一

千三百餘

水經注淇水又東出山分為二水會立一

一過水

以沃白溝左為宛水右則淇水明一統志伊

水一

在河南府城南龍門山東抵天津唐河南尹裴

迴置

石碣

宋書自序傳郡界有古時一

石限

宋史河渠志知雄州趙滋言屯田司當徐河間築

堤斷水塘堤具存可覆視也宜開水竇六十尺修

節之一以

之

石壕

明一統志——在河南府陝州城東七十里唐杜甫有——吏詩

石堤

漢書溝洫志賈讓奏言臣竊按視遮害亭西十八里至淇水口迺有金隄高一丈自是東地稍下隄

稍高至遮

害亭高四五丈往五六歲河水盛增丈七尺

壞黎陽南

郭門入至隄下水未踰堤二尺所從隄上北

望河高出

民屋百姓皆走上山水留十三日隄潰二所

吏民塞之

臣循隄上行視水勢南七十餘里至淇口水

適至隄半

計出地上五尺所今可從淇口以東為——

多張水門

宋史河渠志今若開修月河——上下置

牐以時開

閉通放舟船實為長利四朝聞見錄張目

封廟號昭

即景祐中尚書六部郎張公夏也夏字伯起

景祐中出

為兩浙轉運使杭州江岸率用新土潮水衝

擊不過三

歲輒壞夏乃作——一十二里以防江潮之

害既成州

人感夏之功廟於隄上明一統志——在

南康府治

南臨大江當舟楫往來之衝風作艤泊無所

宋元祐中郡守吳審禮始柵木為障崇寧中孫喬年以
一為一內浚二隄可容千艘歲久侵圯紹興末朱子來
為守歲適歟遂捐金募饑民增築之李商隱
安平公詩三月一一凍銷釋東風開花滿陽坡

石塹

鮑溶詩細柳連營一一
牢平安狼火赤星高

石棧

李白蜀道難見山摧下柳宗元法華寺石門精
舍詩松谿窈窕入一一黃緣上馬祖常李後主

圖詩澤國中寒歲年晏沙嶼潮痕明一一又海子橋
詩一一通星漢銀河落水渠鄭權石澗詩蒼崖秀苔

花壞道

補一一

石礮

明一統志一一在南陽府城三里清水環流為一
城之勝可以禦水患而障城郭其堅完甃石猶在

前賢題
詠甚多

石砦

明一統志——在撫州府宜黃縣南三十里石梁橫空長數十丈南北相接下平廣可容數百人

石圖

宋史王全斌傳率兵拔乾渠渡萬仞燕子二砦遂下興州蜀刺史藍思綰退保西縣敗蜀軍七千人

獲軍糧

四十餘萬斛進拔——魚關白水二千餘砦

石塚

謝靈運山居賦——石滂閔硯黃竹注又西谿之裏得——以石為阻故謂為塚

石碓

晉書桓彝傳彝尋出——會朝廷遣將軍司馬流先據慈湖為賊所破遂長驅逕進彝以郡無堅城

遂退據

廣德明一統志——渡在太平府蕪湖縣南四十里

石圻

宋之問早入清遠峽詩寂歷環沙浦葱龍轉——孫逖江行有懷詩秋水明川路輕舟轉——

石牖

宋史河渠志先是凌民瞻建議廢呂城堰又即望亭堰置牖而不用及因濬河隳敗古涇函——石

碓河流益阻百姓勞弊至是民瞻等貶降有差元史

河渠志延祐六年雨多水溢月河土堰及一鴈翅日

被衝齧土石相離深及數丈其工倍多至今未完明

孝宗實錄白昂於高郵北築堤四十里南北作一啟

閉名康

濟河

石碓

宋史河渠志見上

石山

詩陟彼岵傳一戴土曰岵宋書沈道虔傳少仁愛好老易居縣北一下水經沔水又逕

郡縣故城南注縣南臨沔津津南有一石燒為灰東臺豫章古今記一在高安西南有石燒為灰東

宮舊事皇太子初拜有一安車一建九旗青色四馬林泉高致山有戴土山有戴石土山戴石林木瘦聳

一一戴土林木肥茂宛委餘編有情化無情婦人化一一蚓化百合無情化有情腐草化螢陳麥化蝶明

一統志——在湖州府武康縣北二十里又思明府

形勝——卓立江水迴繞李賀天上謠東指羲和能

走馬海塵新生——下又漢書地理志琅邪郡縣——

唐書康日知傳勛聞徐已拔氣喪無顧賴衆尚二

萬自——而

西所在焚掠

石嶺

明一統志——山在洮州衛城北一十五里山勢峭拔草木不生又李賀昌谷詩亂條迸——細

頸喧島嶼又宋史曹彬傳太宗即位加同平章事議

征太原召彬問曰周世宗及太祖皆親征何以不能克

彬曰世宗時史彥超敗於——關人情驚擾故班師太

祖頓兵甘草地會歲暑雨軍士多疾因是中止元史

順帝紀八月戊子命博囉特穆爾守——關以北察罕特

穆爾守——關以南又九月乙卯朔詔遣參知政事

額森不花往諭博囉特穆爾察罕特穆爾令講和時博

囉特穆爾調兵自——關直抵冀寧圍其城三日復退

屯交城察罕特穆爾調參政閻奉先引兵與戰已而各
於——關南北守禦明一統志——關在太原府城

東北一百二十里路通忻州趙
元題裕之家山圖詩見山影下

石峽

宋史高麗傳自明州定海遇便風三日入洋又五
日抵墨山入其境自墨山過島嶼詰曲礁石間舟

行甚駛七日至禮成江江居兩山間東以——湍激而
下所謂急水門最為險惡又三日抵岸有館曰碧瀾亭

使人由此登陸崎嶇山谷四十餘里乃其國都云明
一統志——山在太原府靜樂縣北晉人以屈產之乘

假道於虞蓋出此者元好問遊承天縣泉詩雷車怒
擊冰雹散——峻滑蒼煙屯又宿翠屏口詩沙城雨

塌名空在——風來夏亦寒馬祖常呂梁詩青山開
——白日看風湍又明一統志——泉出太原府靜

樂縣南山縣東山亦有溫泉出石縫中流分數十道
又唐書宣宗紀大中三年二月吐蕃以秦原安樂三州

石門驛藏木峽制勝六盤——蕭七關歸于有司又
明一統志——書院在嚴州府淳安縣東北五里方逢
辰講道之所度宗手詔賜今名方回——書院賦序
歙睦兩郡之方氏皆東漢賢良真應仙翁之後墓在淳
邑廟旁前歙亦多有而此邑本歙之東鄉宗兄府判
寺簿君玉於仙翁墓旁近為——書院以淑同志

石崎

明一統志——山在蘇
祿國以此山為保障

石固

明一統志——在直隸滁州來安縣北三十五里
羣山連亘惟此獨高最為險峻宋紹興辛巳居民

避兵其上壘石為城遺址尚存又——寨山在濟南
府城南五十里下有渴馬崖南有瓢峰鳳皇山西有丁

公嶺東
有虎山

石舍

明一統志——山在吉安
府龍泉縣西一百五十里

石竺

明一統志——山在福州府福清縣西十四里

石壁

晉書宋纖傳酒泉太守馬岌高尚之士也具威儀鳴鑣鼓造焉纖高樓重閣距而不見岌歎曰名可

聞而身不可見德可仰而形不可覩吾而今而後知先生人中之龍也銘詩於——曰丹崖百丈青壁萬尋奇

木翁鬱蔚若鄧林其人如玉維國之琛室邇人遐實勞我心齊書徐伯珍傳門前生梓樹一年便合抱館東

——夜忽有赤光洞照俄爾而滅白雀一隻栖其戶牖論者以為隱德之感焉宋史藝文志錢鏐吳越——

記一卷又吳璘傳參謀官孫渥謂河池不可守欲退保僊人原璘厲聲折之曰懦語沮軍可斬也璘請以百

口保破敵世將壯之指所居帳曰世將誓死於此乃遣渥之涇原命田晟以三千人迎敵璘又遣姚仲拒于——

——砦敗之馬第伯封譚儀記上山騎行往往道峻峭不騎步牽馬乍步乍騎且相半至中觀留馬去平地二

十里南向極望無不覩仰望天關如從谷底仰觀抗峰其為高也如視浮雲其峻也——宵窳如無道徑博

物志趙襄子率徒十萬狩於中山藉芳燔林扇赫百里有人從——中出隨煙上下若無所之經涉者襄子以

為物徐察之乃人也問其奚道而處石奚道而入火其

寧安固二縣中路東南便是赤石又枕海正湖三面悉

高山枕水渚山溪澗凡有五處南第一谷今在所謂——精舍陶弘景尋山誌照——以端色攀桂枝而齊

貞水經注郭義恭曰烏秣之西有縣渡之國山谿不通引繩而渡其人山居佃于——間累石為室猿手而

飲所謂猿飲也又谿水又東入于穀水又東逕烏傷縣之雲黃山山下臨谿水水際——傑立高一百許丈

睦州古蹟記前後雪山一在上洞為雲霞五色一在霜石上稍西及上洞右為仙人望月者一在墓頤受日處正圓如三五夜為日影射——類月光在地者一處

在上洞石之左為北斗七星窠一在外洞外之左太湖石志——東洞庭豐圻之南有大石若屏柳毅所扣

也明一統志——在梧州府藤縣南二里高十餘丈俯瞰江流若赤壁釣臺之狀又——山在寧國府旌

德縣北二十里峰巒對起清溪中流最為奇絕又——山在太原府交城縣西北二十里周圍小山相向如

壁又——山在九江府彭澤縣南四十里一名王壺洞法集經善男子譬如殊勝如意神通因緣力故於

彼——無所障礙而彼神通因緣不至無障礙中而依彼神通因有無障果如是不放逸善根因緣有彼勝妙

果報庚信秦州天水郡麥積崖佛龕佛銘見山梁下又謝滕王集序啟金門細管未動春灰——輕雷尚

藏冬蟄江總羣臣請陳武帝懺文——山河珍車寶馬湛賁日五色賦光浮——謂媧皇之補天影入詞

林疑江淹之夢筆盧照鄰懷仙引攀——而無據沂泥溪而不前許景先徵君宅詩——踐丹景金潭冒

綠蘋 王維藍田石門精舍詩見山月下 高適同羣
公題中山寺詩 倚松徑山田多栗林 杜甫壯遊

詩劍池 一 一 反長州荷芰香 又不離西閣詩江雲飄

素練 一 一 斷空青 又夜聽許十損誦詩愛而有作詩

許生五臺賓業白出 一 一 又返照詩見山村下 韋

應物馬明生遇神女歌 一 一 千尋啟雙檢中有玉堂鋪

玉簫 戴叔倫送外甥宋垓歸饒州觀侍呈上姊夫詩

一 一 轉棠陰鄱陽寄茅室 李端送樂平苗明府詩山

從 一 一 斷江向弋陽斜 盧仝喜逢鄭三遊山詩相逢

之處花茸茸 一 一 攢峰千萬重 白居易香山卜居詩

亂藤遮 一 一 絕澗護雲林 李涉竹枝詩 一 一 千重樹

萬重白雲斜掩碧芙蓉 王建野菊詩憶向山中見伴

蛩 一 一 裏 李賀仙人詩彈琴 一 一 上翻翻一仙人

杜牧送中丞姊夫壽自大理卿出鎮江西詩紅旂星 一

一 黑稍斷雲根 姚合送李傅秀才歸宣州詩慙慙拂

一 一 為我一書名 朱慶餘題開元寺詩長廊畫剝僧

形影——塵昏客姓名 張喬華山詩——煙霞麗龍
潭雨電粗 杜荀鶴登——禪師水閣有作詩——早

聞僧說好今來偏與我相宜 含曦訓盧仝見訪不遇

題壁詩長壽寺——盧公一首詩 寒山詩閑于——

題詩句任運還同不繫舟 元好問遊承天懸泉詩閑

閒老仙仙去久——姓名苔蘚滑 又湧金亭示同遊

諸君詩空青斷——微茫散煙蘿 陳泰偕猶溪諸公

同遊青原山謁七祖塔步韻詩——倚雲僧入室飯鐘

紫樹鵲通禪 史學李道人崧陽歸隱圖

詩——城頭夜斬關軟紅塵底曉催班

石竚 明一統志——山在潞安府黎城縣西北六
十里一名望夫山山有——立宛若人形

石矩 明一統志——山在成都府仁壽縣東北
山有石壁如城又名石城絕頂望見峨眉

石脆 山海經——之山其木多棗枹 水經注小赤水
即山海經之濯水也水出——之山北逕蕭加谷

蘇軾孔毅夫挽辭君
文照今古不比山

石排

明一統志——山在金山西相傳山上有郭璞墓盛夏有大蛇莫知其數盤結於木陰間

石步

明一統志——山在饒州府城西北一百四十里有石室如堂殿常有煙靄不可入又——港在

江寧府東北五十里西連竹篠河北達大江

石閭

漢書武帝紀太初三年修封泰山檀——又郊祀志天子還泰山修五年之禮如前而加禪祠——

——石閭者在泰山下趾南方方士言僊人間也故上親禪焉明一統志——山在濟南府泰安州南四十里

庚信齊王憲神道碑方當待彼——部斯玉鼓經緯天地光華日月李義府在雋州遙叙封禪詩——環

藻衛金壇

映黼帷

石閭

水經注東谿水出始興東江州南
康縣界——山西流而與連水合

石流

明一統志——山在黎平府湖耳長官司東三十
里飛泉迸出亂——如——丁椿尊經閣賦引領羣

岫者山名白鶴底柱
——者州號印龜

石涌

明一統志——山在廣州府東莞縣東四十
里水中——如——出居民多種香木于其上

石崖

水經河水又東北歷——山山西明一統志——
山在鎮遠府治北屹然壁立狀如列屏郡之鎮山

也——又——山在廣州府陽山縣東北二里上有石壁
如板宋紹興初縣令張本忠刻祝頌文於其上又——

——在彭亨國周匝崎嶇如柵寨元結中興頌——天
齊李頎登首陽山謁夷齊廟詩——向西豁引領望

黃河
山店前
白居易重過壽泉題店壁詩湧出——下流經
杜荀鶴題宗上人舊院詩啄生鴉憶啼松栢

接果猿思嘯——王逢過丘以敬管句吳山別業詩
——溜雨簾根白籬落緣雲瓠子肥馬祖常題惠崇

畫詩龍門千尺梧桐
樹多在——懸絕處

石谷 韓愈燕喜亭記其——曰謙受之谷
瀑曰振鷺之瀑谷言德瀑言容也

石峪 名勝志見
華峰下

石巖 水經注瓦亭水又西南出顯親峽——水注之水
出北山 明一統志——洞在四川行都指揮司

越雋衛城北三十里可容十數人東北崖畔有石版擊
之有聲名瓊鐘 又——泉在太平府養利州治東源

自——出 孟浩然宿立公房詩何如——趣自入戶
庭間 馬戴長安寓居寄贈賈島詩何如隨野鹿棲止

——中 胡曾四皓廟詩四皓忘機飲碧松——雲殿
隱高蹤 寒山詩我家本住在寒山——棲息離煩緣

石峰

梁簡文帝和湘東王
後園詩見山岸下

石巒

三輔黃圖
見石闕下

石巘

李綱詩陸續故城依
葛洪遺竈俯江湄

石崦

宋无詩古寺
龍妃——東

石嶼

劉峻登郁州山望海詩雲錦曜——羅綾文水色
嚴羽夢游廬山謠九河九派倒西來——巉絕

古道
開

石丘

孟子宋牼將之楚孟子遇于——注——地名也
疏宋牼將欲往楚國孟子相逢于——之地——

則宋國地也
明一統志——
在衛輝府胙城縣東北三十里

石塚

宋史河渠志河北屯田司言欲於——口導永濟河水以注緣邊塘泊請免所經民田稅從之

石阜

蘇軾李氏山園潛珍閣賦因——以建宇跨飲江之鼃龜

石壘

徐陵陳公九錫文金陵佳氣——天嚴

石堆

豫章古今記檐石湖江西東北如——湖心遂成小山

石嶠

水經注橐水與安陽溪水合水出——南西逕安陽城南又見山徑下

石尖

明一統志——峰在太原府城西北界立谷口有石孤立汾水側高十餘丈

石堆

明一統志——嶺在遼州和順縣西北四十里下有漳水流經州東姚合送少府田中丞入西蕃

詩蕭關

路絕久亦為塵

石矴

明一統志——岡在博羅縣東或言羅浮山以岡為碇石

石安

明一統志——原在西安府涇陽縣西南七里秦符堅登此歎曰美哉斯原因悵然有終焉之志

石磯

韓愈送區冊序入吾室聞詩書仁義之說欣然喜若有志於其間也與之翳嘉林坐——授竿而漁

陶然以樂若能遺外聲利而不厭乎貧賤也席豫江行紀事詩古樹崩沙岸新苔覆——張旭桃花谿詩

隱隱飛橋隔野煙——西畔問漁船元稹送嶺南崔侍御詩毒龍蛻骨轟雷鼓野象埋牙鬪——又宿——

詩——江一夜潺湲半夜江風引杜鵑李賀南園詩窗含遠色通書幌魚擁香鈎近——方干初歸鏡

中寄陳端公詩必知蘆笋侵沙井兼被藤花占——洪希文陪東泉郎公作霖料院雨登揖江水亭詩峨峨

高閣臨江渚千古驚濤拍——

石磧

水經漢水又東為猓子潭注潭中有——洲長六
十丈廣八十丈又夷水自沙渠入縣水流淺狹

裁得通船東逕難留城南城即山也獨立峻絕西面上
里餘得石穴把火行百許步得二大——並立穴中相

去一丈俗名陰陽石又河南城西北穀水之右有——
磧南出為死穀北出為湖溝又千金塢石人西脇

下文云若溝渠久疏深引水者當于河南城北——西
更開渠北出薛道衡詩跳波鳴——濺沫擁沙洲

石礪

李賀高平縣東私路詩——
——遠荒澀棠實懸辛苦

石礪

皮日休憶洞庭觀步詩上
成看錦綽登村度——

石磴

後漢書梁冀傳飛梁——陵跨水道水經注汾
水出汾陽縣北山漢高帝十一年封斬疆為侯國

後立屯農積粟在斯謂之羊腸倉山有羊腸坂在晉陽
西北——縈委若羊腸焉故倉坂取名矣王勃聖泉

宴詩披襟乘——列籍俯春泉 李賀潞州張大宅病
酒遇江使寄上十四兄詩木窗銀跡畫——水痕錢

林滋春望詩散襟披——倚天行帶月鐵橋通海入無塵 曹唐送羽人
王錫歸羅浮詩——

元好問晉溪詩——雲松著色屏岸花汀草展江亭
又挈家遊龍泉詩藤垂——雲添潤泉漱山根玉有聲

朱德潤簡趙宗吉食憲詩——
紅泉翠影搖仙人歸隱倩誰招

石穴 後漢書南蠻傳巴郡南郡蠻本有五姓巴氏樊氏
暉氏相氏鄭氏皆出於武落鍾離山其山有赤黑

二穴巴氏之子生於赤穴四姓之子皆生黑穴未有君
長俱事鬼神乃共擲劍於——約能中者奉以為君巴

氏子務相乃獨中之衆皆歎又令各乘土船約能浮者
當以為君餘姓悉沈唯務相獨浮因共立之是為廩君

魏志劉放傳注昔武皇帝征南鄭取張魯陽平之役
危而後濟又自往拔出夏侯淵軍數言南鄭直為天獄

中斜谷道為五百里——耳言其深險喜出淵軍之辭也
宋書五行志吳時歷陽縣有巖穿似印咸云石印
封發天下太平孫皓天璽元年印發又陽羨山有——
長十餘文皓初修武昌宮有遷都之意是武昌為離宮
班固云離宮與城郭同占飾城郭之謂也 齊書祥瑞
志中興二年正月遷將潘道蓋于山——中獲毛龜一
頭 水經漢水又左會文水注水即門水也出胡城北
山——中長老云杜陽有仙人宮——宮之前門故號
其川為門川水為門水 又沔水又東過中盧縣東淮
水自房陵縣淮山東流注之注縣即春秋盧戎之國也
縣故城南有水出西山山有——出焉謂之馬穴山
述異記利州義城郡葭萌縣有玉女房蓋是一大——
也昔有玉女入此——前有竹數莖下有青石壇每因
風自埽此壇玉女每遇明月夜即出於壇上閒步徘徊
復入此房 豫章古今記米山在高安北山有——兵
寇生靈避難 馬戴下第再過崔邵池陽居詩離雲空

——芳草
偃郊扉

石洞

述異記武陵源在吳中山無他木盡生桃李俗呼為桃李源源上有——洞中有乳水世傳秦末喪

亂吳中人於此避難食桃李實皆得仙聞見雜錄金州道左有——入洞十里有石門門間有仙人像半掩

扉外又有白石龍一條觀者必秉炬而入有落燼即旋去之每旱必往祈請及出洞門必有書字記雨之多少

商人或過洞外必森然心動莫不加敬明一統志——山在貴州宣慰司城東北八里山有——可以容衆

又——水在汾州府介休縣東二十里平地湧出又——在溫州府平陽縣南二十五里石上有八分書

似魏晉間人筆跡又——在肇慶府城東北十里天開巖穴空闊幽邃南北二門上虛通天洞與七星巖相

去不遠水泛浸則巖之沒者數丈惟峒隆然屹立水中如故世傳峒能浮者以此又南田——在潮州府程

鄉縣西北幽遠深邃人跡罕至奇葩異果多不知名採
於山者間遇之甘美可茹或懷歸多迷失道後人題曰
仙客有靈千古在洞門無輪四時開又書院在
餘干縣東五十里今屬萬年縣宋雙峰饒魯講道之所
庚信明月山銘見山根下曹唐小遊仙詩一沙
溪二十年向明杭日夜朝天皮日休樊榭詩一開
人笑松聲
驚鹿眠

石通

明一統志一洞
在施州衛城北

石孔

明一統志一山在平陽府城西三十五里姑射
山前九孔相通深不可測白居易遊悟真寺詩

階前一一在
欲雨生白煙

石竅

水經注谿水出太山天門下谷東流昔者帝工升
封咸憩此水水上往往有一一存焉蓋古設舍所

跨處也 雲仙雜記 無棟有灰山山南有 其中二
麥無數取之不極 薛能短亭岩穴詩 風涼津濕共微

微隔岸泉衝 古蔓絡松身 陸游
詩瘦篁穿 古蔓絡松身

石竇

水經浮水故瀆又東北入東武陽縣東入河注曹
操為東郡所治也引水自東門 北致於堂池

池南故基尚存 錄異記廬山西南七里有湧泉觀
昔太極仙公葛元煉丹於此感致泉水自 中湧出

流百餘里入潯陽湖溉田極廣 陰鏗詩茅檐下亂滴
引環流 江總詩風牕穿 月牖拂霜松 李

華雲母泉詩見山門下 馬戴寄金州姚使君負外詩
送泉疏 殘雨發椒香 張喬送韓處士歸少室山

詩 垂寒乳松枝長別琴 方千秋晚林中寄賓幕
詩泉漱玉聲衝 橘垂朱實壓荆扉 劉得仁詩片

雲生 淺水卧枯松 蘇舜欽天平山詩 落玉
泉泠泠四時雨 蘇軾巫山詩 有洪泉甘滑如流

髓 又出峽詩——見天國反棺
悲古墓 朱子詩——飛靈液

石隙 小孤山志有石級凡百有十二其級紆曲其半有
——可屋 沈約歲暮愍衰草詩爛漫兮客根攢

幽兮—— 沈說馮公嶺詩野店山腰出林泉——
——生 袁凱池上詩林隈薄霧起——幽泉度

石罅 岑參酬成少尹駱谷行詩泉繞——圻火入松心
枯 韋應物同元錫題瑯琊寺詩山中清景多——

——寒泉潔 白居易和微之分水嶺詩悠悠草蔓底
——裏 姚合憶山詩泉引窗前過雲看——生

張蠟華山孤松詩——引根
飛土力冒寒猶助岳蓮光

石窟 晉書郭瑀傳瑀隱於臨松蘿谷鑿——而居服拍
實以輕身 魏書李崇傳以臣愚量宜罷尚方雕

靡之作頗省永寧土木之功并減瑤光材瓦之力兼分
——鑄琢之勞 北史魏孝文帝紀幸武州山——寺

賜貧老衣服
廣行者依焉

水經注三城水又西逕——南向佛本于此
佛國記新城山有——

坐禪西北復有一——阿難於中坐禪
明時珍曰酉陽雜俎云無勞縣舞溪——有方鏡徑丈

照人五臟云是始皇照骨鏡
時水卷清禪師坐禪——中聞南峰鐘鳴遂大悟改永

興菴明一統志——山在衡州府城東三十里
——崖在順天府西北一百十里上有——又——

寒泉在大同府城西三十五里——寺左
海經時彼龍王於其池中出七寶臺奉上如來惟願天

尊受我此臺爾時世尊告龍王曰不須如此臺汝今但
以羅刹——持以施我時梵天王無數天子先入窟中

時彼龍王以諸雜寶以莊校窟佛告阿難汝教龍王淨
埽——諸天聞已各脫寶衣競以拂窟爾時如來還攝

身光卷諸化佛未入佛頂
石經朔州恒安——經像
蕭子良淨住子敬禮易州
喻鳧詩燕拂沙河柳鵝高

——鍾 戴復古詩風
林無鳥宿——有龍蟠

石窖 蘇軾留題峽州甘泉寺詩
清泉不可挹涸盡空——

石川 水經注渭水又東——水南注焉 又沮水絕白
渠東逕萬年縣故城北縣西有涇渭北有小河北

渭水也其水又南
屈更名——水

石水 魏書劉潔傳時虜衆大亂恭宗欲擊之潔執不可
傳虎渾谷六日諸將猶不進賊已遠遁追至——

不及而還師次漢中糧盡士卒多死 白居易病中贈
諸道侶詩右眼昏花左足風金篦——用無功注磁——

——治風見外臺方 周賀詩山縣風光異公門——清
劉鋹詩琤琤——鳴忽洗人世聽 又素問三陽獨

至期在——二陰獨至期在盛水 又腎肝并
沈為——并浮為風水并虛為死并小弦欲驚

石連

宋史食貨志——水軍海口場
十一萬五千餘石各給本州軍

石汶

水經注環水又東南逕南明堂下古引水
為壁雍處基瀆存焉世謂此水為——

石泉

漢書地理志高密國縣——
漢岷山縣地屬蜀郡貞觀八年置——縣也
舊唐書地理志——

宋史王中正傳自——至茂州謂之隴東路土田肥美
西羌據有之中正不能討元史河渠志見山口下

新論荃蓀孤植不以巖隱而歇其芳——潛流不以澗
幽而不清人在暗密豈以隱翳而迴操水經來水出

桂陽郴縣南山注豕水東流沿注不得北過其縣西也
兩岸連山——懸溜行者輒徘徊留念情不極已也

又河水又東合汜水注北流車闕水出于嵩渚之山也
泉發于層阜之上源兩枝分流瀉注世謂之——水

也又濡水東合檀山水水出道縣西北檀山西南南
流與——水會水出——固東南隅又灘水又北逕

縣故城西地理風俗記曰平昌縣東南四十里有

亭故縣也

荊州圖經

昆陽縣

有柏枝山

一名

雨穴請禱必雨煎茶水記無錫縣惠山寺一水第

二又蘇州虎丘寺

水第五

明一統志

在慶

陽府環縣南五里流入環河又一在平涼府鎮原

縣治西水從石孔中出

四時不涸

又

在

平涼府

鎮原

都府城內天順中建又碑在九江府葛洪山晉

時洪見田有蛭害人乃書符

蘇于石置之

田畔

蛭不生

石刻見存又縣在漢中府興安州西八十里楚辭九歌山

又

縣在

龍安府

城西南

二十

五里

歌山

鬼飲一吟蔭松柏謝眺杜若賦寒汀洲以企予懷

一於幽情

左思招隱詩

一

激瓊瑤

纖鱗

或浮沈

稂參太白東溪張老舍即事寄舍弟姪詩一飯香

稂酒甕開新槽

高適賦得還山詩

山間

偃仰

無不

至

秋根一淙淙若風雨杜甫日暮詩一嚴八使君兩閣老

又寄岳州賈司馬六丈已州嚴八使君兩閣老

賈司馬六丈已州嚴八使君兩閣老

嚴八使君兩閣老

嚴八使君兩閣老

嚴八使君兩閣老

嚴八使君兩閣老

嚴八使君兩閣老

詩見山稠下 韋應物再遊西山詩測測——冷暖暖
煙谷虛 皇甫曾送陸鴻漸詩見山寺下 戴叔倫題

淨居寺詩滿地白雲闌不住——流出落花香 盧綸
冬日宴郭監林亭詩據梧花罽接沃盥——分 白居易

易和微之順之琴者詩清冷——引雅澹松風曲 柳
宗元中夜起望西園值月上詩見山鳥下 李賀蘭香

神女廟詩沙砌落紅滿——生水芹 李德裕思山居
詩乘月步秋坂滿山聞——于鵠題宇文衷讀書院

詩草閣連僧院山厨供——賈島題皇甫荀藍田廳
詩竹籠拾山果瓦餅擔——杜牧閨情代作詩月照

——金點冷鳳酣簫管玉聲微 又西山草堂詩晒書
秋日晚洗藥——香 溫庭筠贈隱者詩採茶溪樹綠

煮藥——清 李咸用和吳處士題村史壁詩糲麴莖
汀蓼甘茶挈——方干遊竹林寺詩曙月落松翠——

——流梵聲 許彬尋白石山人澗詩陰洞長鳴磬——
寒泛花 梅堯臣碧霄峰茗詩採時林狹靜蒸處——

嘉蘇舜欽庶子泉陽冰石篆詩其中琅玕一一記比
之他法殊不倫蘇軾玉女洞詩一一為曉鏡山月當

簾鉤元好問空山何巨川虛白菴詩見崖密下魏
道明佛嵩寺詩霜圓擷蔬充早供一一煮茗薦餘甘

石蔭明一統志一一泉在石阡府金順山下廣文
餘深三尺許春夏漲而秋冬消極為清冷

石江明一統志一一橋在曲
靖軍民府城北八里

石漢江總方鏡銘金鐫
銅鑄丹陽

石河宋史食貨志大觀初入內皇城使裴絢為涇原幹
當奏上渭州通判苗冲淑之言一一鐵冶既令民

自採鍊中賣于官請禁民私相貿易農具器用之類悉
官為鑄造明一統志一一堡在遼東都司金州衛北

六十
里

石湖

宋史藝文志范成大——居士文集又——別集
二十九卷——大全集一百三十六卷明一統

志——在蘇州府城西南一十二里連越來溪舊志云
范蠡所從入五湖者宋參政范成大隨高下為亭觀湖

山勝絕繪圖以傳孝宗書——二字賜之又神異經
北方荒中有——方千里岸深五丈餘恒冰唯夏至左

右五六十日解耳又明一統志——闕在直隸和州
境宋紹興間兀朮再犯境張俊以兵五千守此凡木遁

去即此

石瀨

明一統志——湖在淮安府安東縣治西北一名
灌湖與海州賴榆沭陽接境湖面約三萬四千五

百餘頃

石漕

明一統志——河在汝寧府固始縣南
一百五十里源出太蘇山北流入史河

石洋

水經注時水又西至——堰分為二水謂之——
明一統志——河在汝寧府遂平縣北五里

源出平頭梁山東流入汝水

石塞

明一統志——河在廬州府舒城縣西一
百里自陽山下發源有——河中故名

石渠

唐書地理志華州華陰郡華陰有漕渠自苑西引
渭水因——會灞澧經廣運潭至縣入渭 宋史

河渠志提舉陝西常平沈披乞復京兆府武功縣古迹
六門堰於——南二百步傍為土洞以木為門回改河

流溉田三百四十里 元史河渠志至大三年陝西行
臺御史王承德言涇陽洪口展修——為萬世之利由

是會集奉元路三原涇陽臨潼高陵諸縣泊涇陽渭南
櫟陽諸屯官及耆老議如準所言展修——八十五步

計四百二十五尺深二丈廣一丈五尺 前趙劉曜錄
攻石生於金墉分遣諸將攻討汲郡河內十二月勒自

帥衆拒之陣於洛西曜性劣酗酒末年尤甚將戰飲數
斗常乘赤馬無故蹢躅乃乘小馬壯出復飲斗餘至西
陽門搗陣就平勒將石堪因而乘之師遂大潰曜昏醉
奔退而馬陷——墜於冰上為堪所執明一統志——
——在河南府城舊銅駝坊西入宋潞公文彥博宅又
——在永州府袁家渴西南柳宗元——記自渴西
南行不能百步得——民橋其上有泉幽幽然其鳴乍
大乍細渠之廣或咫尺或倍尺其長可十許步其流抵
大石伏出其下劉楨公讌詩清川過——流波為魚
防李正封夏遊招隱寺暴雨晚晴詩——寫奔溜金
剎照顏陽王涯宮詞又落深宮——裏盡隨流水入
龍池白居易宿裴相公興化池亭詩松閣晴看山色
近——秋放水聲新又漢書劉向傳會初立穀梁春
秋徵更生受穀梁講論五經於——又施讎傳甘露
中與五經諸儒雜論同異于——閣又韋元成傳上
欲感風憲王輔以禮讓之臣乃召拜元成為淮陽中尉

是時王未就國元成受詔與太子太傅蕭望之及五經
諸儒雜論同異於——閣條奏具對 又薛廣德傳蕭
望之為御史大夫除廣德為屬數與論議器之薦廣德
經行宜充本朝為博士論——遷諫大夫代貢禹為長
信少府 後漢書章帝紀下太常將大夫博士議郎郎
官及諸生諸儒會白虎觀講議五經同異使五官中郎
將魏應承制問侍中淳于恭奏帝親稱制臨決如孝宣
甘露——故事作白虎議奏注三輔故事曰——在未
央殿北藏秘書之所 又楊終傳終言宣帝博徵羣儒
論定五經於——閣方今天下少事學者得成其業而
章句之徒破壞大體宜如——故事永為後世則於是
詔諸儒於白虎觀論考同異焉 又蔡邕傳昔孝宣會
諸儒於——章帝集學士於白虎通經釋義其事優大
文武之道所宜從之 晉書范宣傳庾爰之問宣曰君
博學通綜何以太儒宣曰漢興貴經術至於——之論
實以儒為弊正始以來世尚老莊逮晉之初競以裸程

為高僕誠太儒然立不與易 三輔黃圖 閣蕭何
造其下礪石為渠以導水若今御溝因為閣名所藏入
闕所得秦之圖籍至於成帝又於此藏秘書焉 水經
注沈水又東逕未央宮北未央殿東有宣室玉堂麒麟
含章白虎鳳皇朱雀鸞鷟昭陽諸殿天祿 麒麟三
閣 文心雕龍越昭及宣實繼武績馳騁 服豫文
會集雕篆之軼材發綺縠之高喻於是王褒之倫底祿
待詔 明一統志 閣在西安府城西北 梁簡文
帝南郊頌序五典三墨既歲蕤於壁水九流八索亦續
紛於 何遜七召壁水道庠序之風 啟珪璋
之盛 薛道衡老氏碑 壁水闡揚儒業 杜顗集
賢院山池賦對 之鉛粉會金馬之衣簪 汪克寬
文宣閣賦思昔 天祿徒以貯簡編之糟粕麒麟凌
煙祗以圖羽翼之英雄 蘇頌奉和聖製送張說上集
賢學士賜宴詩 鏘鏘 內序拜亦同時 趙冬曦奉
和聖製送張說上集賢學士賜宴詩學開丹殿籍名與

——賢 李元絃奉和聖製送張說上集賢學士賜宴
詩——因學廣金殿為賢昇 韋應物送五經趙隨登

科授廣德尉詩明經有清秩當在——中 劉禹錫訓
滑州李尚書秋日見寄詩一八——署三聞宮樹蟬

又送分司陳郎中祇召直史館重修三聖實錄詩常時
載筆窺金匱暇日登樓到—— 皎然送張孝廉赴舉

詩明年——署應繼叔孫通 趙孟頫次韻左轄相公
奉寄行臺中丞徐公詩已無夢想懸金印豈有文章到

石洫 後漢書鮑昱傳拜汝南太守郡多陂池歲歲決壞
年費常二千餘萬昱乃上作方梁——水常饒足

溉田倍多人以殷富注洫渠
也以石為之猶今出水門也

石池 水經注濕水又東北流左會桑乾水其水潛承大
原汾陽縣北燕京山之大池池在山原之上世謂

之天池方里餘池東隔阜又有一一方五六步清
深鏡潔不異大池又下洛城東南四十里有橋山下

有溫泉泉上有祭臺雕檐華宇被于浦上——吐泉湯
湯其下炎涼代序是水灼焉無改能治百疾歐陽修

浮槎山水記嘉祐二年李侯以鎮東軍留後出守廬州
因遊金陵登蔣山飲其水既又登浮槎至其山上有——

——涓涓可愛蓋羽所謂乳泉漫流者也儲光羲昭聖
觀詩——辨春色林獸知人言項斯寄坐夏僧詩還

應鍊詩句借
卧——傍

石沼水經注狼臯山北澤水東南流逕溫泉南泉上華
宇連蔭茨薨交池——錯落其間頤道者多歸之

宋武帝華林清暑殿賦婉
祥麟於——儀瑞羽於林術

石潭水經注潁水又東五渡水注之其水導源崇高縣
東北太室東谿縣漢武帝置以奉太室山俗謂之

崧陽城及春夏雨泛水自山頂而迭相灌澍嶠流相承
為二十八浦也陽旱輟津而一不耗道路遊憩者得
飡飲而已無敢澡盥其中明一統志一在徐州城
東二十里孟浩然峴潭賦一傍隈隩沙岸曉曠緣
劉禹錫切雲亭詩迴破林煙出俯窺一空溫庭
筠郭處士擊甌詩信栗金蚪一古勺陂澱澹幽修語
皎然和楊明府早秋遊法華寺詩秋賞一潔夜嘉
杉月清倪瓚寄熙本明詩松室夜燈禪影瘦一秋
水道心空又水經湘水又北過臨湘縣西注縣南有
一山湘水逕其西又宋史趙贊傳又以所部兵巡
撫滁和之間破吳
人五百于一橋

石壑

盧綸詩山明鳥聲
樂日氣生一一

石渚

梁元帝賦臨一一其如鏡玩弱柳其猶絲又呂
氏春秋荆昭王之時有士焉曰一一其為人也公

直無私王使為政廷有殺人者——追之則其父也還
車而反立于廷曰殺人者臣之父也以父行法不忍阿
有罪廢國法不可請死於王王曰追而不及豈必伏罪
哉子復事矣——辭曰君令赦之上之惠也不敢廢法
臣之行也——之為人

臣也可謂忠且孝矣

石浦

齊書五行志永明九年鹽官縣——有海魚乘潮
來水退不得去長三十餘丈黑色無鱗未死有聲

如牛土人呼為海
燕取其肉食之

石溪

左傳楚使廬戢黎侵庸楚子乘驛會師于臨品分
為二隊子越自——子貝自仞以伐庸王昌齡

送東林廬上人歸廬山詩——流已亂苔徑人漸微
盧肇競渡詩——久住思端午館驛樓前看發機賈

島宿姚少府北齋詩——同夜泛復此北齋期劉得
仁和厲元侍御題戶部相公廬山草堂詩見岳室下

方干山中寄吳礚十韻詩——魚不大月樹鵲多驚
又明一統志——書院在瑞州府新昌縣東北四十里

元提舉胡

俊孚建

石默

水經注——溪水出微
山東麓東北流入于穀

石灘

元好問高門闕詩許李申揚
竟何得只今惟有——聲

石瀉

大業雜記出右掖門門傍渠西二里有龍天道場
南臨——口即煬帝門師濟閣黎所居——東西

二百餘步闊五十餘步深八尺並用青大石長七八尺
厚一尺自上至下積三重並用大鐵為細腰互相鈎牽

亦非常之牢固正
當瀉口三十步

石港

宋史沈與求傳海舟自京東入浙必由泰州——
通州料角崇明鎮等處次至平江南北洋次至秀

州金山次
至向頭

石溝

齊書禮志陸機云天淵池南——引御溝水池西
積石為楔堂跨水流杯飲酒亦不言曲水江總

芳林園天淵池銘——
溜密蘭渚潮平

石坎

雲笈七籤二十八治第四公募治在漢州什邡縣
一名北逢仙山南有——北有縣流水治應甯宿

病人發之治
王七十年

石澗

水經注長明溝水東入——東流蔡溝水入焉
又湍水又南菊水注之水出西北——山芳菊谿

亦言析谷蓋谿澗之異名也源傍悉生菊草潭澗滋液
極成甘美云西溪叢語雞跖載摩澹石出西番山——

——中辟諸毒爐大本草云陽石也明一統志——山
在永昌軍民府城東北三十里林巒層疊狀如屏列

又——山在肇慶府四會縣西六十里有泉自竇中出
東流五里入于江舊傳竇中有巨鯉每游泳則不踰數

日天必雨

梁簡文帝七勵煙霞罩日——籠陰

柳

宗元——

記由渴

而來者先石渠後——

由百家瀨上

而來者先——

後石渠

江總詩——

水流靜山窗葉

——

去寒張說奉詔龍門北溪詩——泉虛落松崖路曲

迴

李賀自昌谷到洛後門詩——

凍波聲雞叫清寒

晨

賈島送僧歸天台詩見山門下

溫庭筠秋詩

煙華久蕩搖——仍清急拾得詩獨步繞——孤陟

上峰壘

虞集題秋山圖詩龍眠——

冷虎撼樹根牢

王逢夢騎驢詩——

倒涵

嵐氣白海霞高貫日輪紅

石暗——

水經注黃水又屈而北注魚子溝水入焉水出——

又江總永陽王齋後山亭銘竹深蓋雨——

——迎

——

——

——

——

——

——

——

——

——

——

——

——

——

——

——

石瀨

漢書司馬相如傳東馳土山兮北揭岳陽風土記廟乃闕羽廟湘州記云石子山溪西

有小溪溪水映徹闕羽南征嘗憩此因名羽瀨今廟亦以此名之江淹閩中草木頌序饑獫搜索一戔戔

盧照鄰懷仙引一潺湲橫石徑松蘿羃歷掩松門杜甫船下夔州郭宿雨濕不得上岸別王十二判官

詩依沙宿舸船一雲溪深寂寂皇甫曾錫杖歌護法護身惟振錫一雲溪深寂寂戴叔倫過友人隱居詩

水聲鳴一蘿影到林軒柳宗元吳上人以竹間白採新茶見贈詩蒸煙俯一咫尺凌丹崖樊宗師蜀

錦州越王樓詩一薄濺濺上山杳穹穹

石激

皎然送常清上人還舒州詩經聲含一塵尾拂江煙

石波

孟郊壽安西渡奉別鄭相公詩洛河向西道一橫磷磷又明一統志一堰在雅州蘆山縣東

三里源出始陽山
用木槽接水溉田

石泓

柳宗元石渠記踰石而往有一葛蒲被之青鮮
又元和七年正月八日蠲渠至大石十月

十九日踰石得一小
潭渠之美于是始窮也

石溜

戰國策三晉已破智氏將分其地段規謂韓王曰
分地必取成臯韓王曰成臯一之地也寡人無

所用之段規曰不然臣聞百里之厚而動千里之權者
地利也千人之衆而破三軍者不意也王用臣言則韓
必取鄭矣水經注太室山下大澤周數里而清深肅
潔其水東流南陽城西一紫委瀾者五涉故亦謂之
五渡水又穀水又東定陽谿水注之上承信安縣之
蘇姥布其水分納衆流混波東逝逕定陽縣夾岸緣谿
悉生支竹及芳枳木連雜以霜菊金橙白沙細石狀如
凝雪一一湍波浮響無輟山水之趣尤深人情王融

詩潺湲——寫綿蠻山鳥聞
謝朓詩杳杳雲竇深淵
淵——淺
李嶠詩見峰霞下
王維藥家瀨詩颯颯

秋雨中淺

淺——瀉

石牌

宋史周湛傳大江歷舒州長風沙其地最險謂之
灣港役三十萬工鑿河十里以避之人以為

利——明一統志——灘在永州府城北四十里
又——

——山在寧國府涇縣西二十里四面皆美石
又宋史

兵志江陰軍二

岩申港——

石殿

蘇轍嵩山將軍柏詩肅肅避暑宮——秋日冷
虞集玉華山詩光凝——十年雪影動銀河八月

槎

石闕

史記司馬相如傳慶——歷封巒過鳩鵲望露寒
下棠梨息宜春西馳宣曲濯鷁牛首
漢書楊雄

傳甘泉賦往往離宮般以相燭予封巒——施靡序延
屬南史陸倕傳梁武帝雅愛倕才敕撰新漏刻銘其

文甚美又詔為——銘敕褒美之賜絹三十匹說苑

立——東海上胸山界中以為秦東門——三輔黃圖甘

泉苑中起宮殿臺閣百餘所有仙人觀——觀封巒觀

鵲觀水經注別汝又東逕蔡岡北岡上有平陽侯

相蔡昭冢昭字叔明周后稷之冑冢有——闕前有二

碑碑字淪碎不可復識庚信終南山義谷銘序銅梁

四柱——雙聳劉歆甘泉宮賦封巒為之東序緣——

——之天梯古樂府——生口中銜碑不得語晉子

夜歌崎嶇相怨慕始獲風雲通玉林語——悲思兩心

同梁元帝歌曲名詩——題書字金燈飄落花上

官儀詩——清晚夏璇輿馭早秋司空

圖詩——莫教苔蘚上分明認取晉公題

石屋太湖石志——龍頭山側多嵌空如屋桂海巖
洞志讀書巖在獨秀峰直立郡治後為桂主山傍

無坡阜突起千丈峰趾——有便房石榻石牖如環堵
之室顏延年守郡時讀書其中明一統志燕石巖在

淳安縣西一十五里穹然如——可坐數人俗呼積甲
山任士林不礙山堂賦——無扉陰雲覆足貫休

懷白閣道侶詩寒思白閣層——兩三僧又高山道
者詩五千言外得元音——寒樓隔雪林齊己嘗茶

詩——晚煙生松窗鐵碾聲又明一統志——山在
滁州城西四十八里牛頭山北上有——後有龍竇洞

又——山在袁州府城西北三十餘里洞深百餘丈
內有石柱石鐘石鼓又——山在江寧府溧陽縣南

六十里吳王使歐冶子鑄
劍于此其西有鑄劍坑

石室

史記太史公自序維我漢繼五帝末流接三代統
業周道廢秦撥去古文焚滅詩書故明堂——金

匱玉版圖籍散亂於是漢興蕭何次律令韓信申軍法
張蒼為章程叔孫通定禮儀則文學彬彬稍進詩書往

往間出矣。又遷為太史令。紬史記。金匱之書五
年而當太初元年十一月甲子朔旦冬至。天歷始改建
於明堂。諸神受紀。漢書高帝紀。高祖不修文學。而性
明達。好謀能聽。天下既定。命蕭何次律令。韓信申軍法。
張蒼定章程。叔孫通制禮儀。陸賈造新語。又與功臣剖
符作誓。丹書鐵契。金匱。藏之宗廟。雖日不暇給。規
模弘遠矣。後漢書祭祀志。以吉日刻玉牒。書函藏金
匱。璽印封之。乙酉。使太尉行事。以特告至高廟。太尉奉
匱。以告高廟。室西壁。高主室之下。又黃瓊傳。陞
下宜開。案河洛外命史。官悉條上。永建以前。至漢
初災異。與永建以後。訖於今日。孰為多少。又王允傳。
卓遷都關中。允悉收歟蘭臺。圖書祕緯要者。以從
既至。長安皆分別條上。又集漢朝舊事。所當施用者。一
皆奏之。經籍具存。允有力焉。又南蠻傳。昔高辛氏有
犬戎之寇。帝患其侵暴。而征伐不克。乃訪募天下有能
得犬戎之將。吳將軍頭者。購黃金千鎰。邑萬家。又妻以

少女時帝有畜狗其毛五采名曰槃瓠下令之後槃瓠
遂銜人頭造闕下羣臣怪而諗之乃吳將軍首也帝大
喜以女配槃瓠槃瓠得女負而走入南山止——中所
處險絕人迹不至 吳志賀邵傳近劉氏據三關之險
守重山之固可謂金城——萬世之業任授失賢一朝
喪沒君臣係頸共為羈僕此當世之明鑒目前之炯戒
也 晉書禮志尚書郎徐禪議禮去祧為壇去壇為壇
歲祫則祭之今四祖遷主可藏之——有禱則祭于壇
壇 又嵇康傳康遇王烈共入山烈於——中見一卷
素書遽呼康往取輒不復見烈乃歎曰叔夜志趣非常
而輒不遇命也 宋書禮志漢以後天下送死奢靡多
作——石獸碑銘等物 又翟法賜傳家人至——尋
求因復遠徙違避徵聘遁跡幽深 魏書李騫傳不請
觀于——豈借書於晉皇 南史梁宗室蕭昂傳見山
谷下 宋史陳搏傳服氣辟穀二十餘年但日飲酒數
杯移居華山靈臺觀又止少華——每寢處多百餘日

不起淮南子上天之誅也雖在壙虛幽間遼遠隱匿重襲——界障險阻其無所逃之亦明矣新論句踐

拘於——君臣之禮不替冀缺耕於垆野夫婦之敬不虧文心雕龍在漢之初史職為盛郡國文計先集太

史之府欲其詳悉于體國必閱——啟金匱抽裂帛檢殘竹欲其博練於稽古也越絕書樂野者越之弋獵

處大樂故謂樂野其山上——句踐所休謀也去縣七里神仙傳廣成子者古之仙人也居崆峒之山——

之中馬第伯封禪儀記早食上脯後到天門西北有——壇以南有玉盤中有玉龜山南脅神泉飲之極清

羊利——荆州記湖陽縣春秋蓼國樊重之邑也重母畏雷為——避之吳地志洞庭山記曰洞庭有二穴

東南入洞幽邃莫測昔閻閭使令威丈人尋洞秉燭晝夜而行繼七十日不窮而返啟王曰初入洞口狹隘偃

僕而入約數里忽遇——可高二丈常垂津液內有石牀石枕石几上有素書三卷持回上於閻閭不識乃

請孔子辯之孔子曰此夏禹之書文人姓毛公今洞庭有毛公宅——并壇存焉水經河水又

南逕子夏——又河水又東過金城允吾縣北注莽

又更允吾為修遠縣河水在其南不在其北南有湟水

出塞外東逕西王母——石釜西海鹽池北又巨洋

水又東北過壽光縣西注漢光武建武二年封更始子

鯉為侯國城之西南水東有孔子——又竺枝扶南

記曰林楊國去金陳國步道二千里舉國事佛有一道

人命過燒葬燒之數千束樵故坐火中乃更著——中

從來六十餘年尸如故不朽前涼張駿錄酒泉太守

馬岌上言酒泉南山既崑崙之體周穆王見西王母樂

而忘歸即謂此山有——玉堂珠璣鏤飾煥若神宮禹

貢崑崙在臨江之西即此明矣宜立西王母祠以裨朝

廷無疆之福駿從之述異記南康樗都縣西沿江有

——名夢口穴嘗有船人遇一人通身黃衣擔兩籠黃瓜

求寄載過至岸下此人唾盤上徑下崖直入石穴中船

主初甚愆之見其人入一始知異視盤上唾悉是金
矣又魯班刻石為禹九州圖今在洛城一山志

林信安山有一王質入其室見二童子方對棋看之
局未終視其所執伐薪斧柯已爛朽遽歸鄉里已非矣

花前對一猴號菊花娘子大比之歲士人多乞夢頗有

靈異明一統志一在廣信府弋陽縣南六十里昔
有張氏隱此琢一為一其形如國郡守欲表薦之隱而

不見又一一在袁州府萍鄉縣東五十里數室相連
素壁如雪又一一在廬州府靈山縣西唐甯悌原讀

書之所有一一石壁石門門外有石橋有兩石人夾侍
又一一山在太原府太原縣西南七十里上有一一

壁間篆字人莫能識又一一山在金華府永康縣東
南三十里緣崖而上南北二穴相通可容四百人中有

石柱又有一石形如竈又一一山在興化府城西有
一一二皆廣一文許及有巨人迹金丹拄杖詩一一

殘雅器 朱慶餘 尋古觀 詩僊觀 曾過知 不遠花 藏一香	雅器裁 賈島寄 白閣點 公詩一 人心靜 冰潭月 影	鄭幹和 李德裕 房公舊 竹亭聞 琴詩一 寒飈驚 孫枝	隱彭鏗 顧非熊 寄九華 山費拾 遺詩見 山田下	到繩牀 見虎眠 劉禹錫 歷陽書 事詩土 臺遊柱 史一	花對一 王昌齡 遇薛明 府謁聰 上人詩 一無人	同李頎 送王道 人還山 詩嵩陽 道士餐 柏實居 處三	酬趙侍 御西軍 贈兩省 舊僚詩 一先鳴 者金門 待制	齡酬周 判官見 貽之作 一探一 山詩見 山椒下 張九	一洞元 之天謝 靈運一 山詩見 山椒下 張九	哉芸居 一圖天 揆日陳 樵八詠 樓賦其 北則金 華	下盧照 鄰同崔 少監作 雙槿樹 賦方文 蓬萊邈 矣悠	逾高詞 氣又秦 州天水 郡麥積 崖佛龕 銘序見 山龕	王諮議 參軍宜 都太守 蘭臺一 是所洽 聞白馬 飛狐	攬轡顧 一而迴 輪庚信 柳霞墓 誌銘父 季遠臨 川	諸佛總 恁麼蓮 花菴主 却橫檐 張協七 命臨重 岫而
-----------------------------------------------	---------------------------------------------	----------------------------------------------	----------------------------------------	----------------------------------------------	----------------------------------------	----------------------------------------------	----------------------------------------------	----------------------------------------------	---------------------------------------	---------------------------------------------	----------------------------------------------	----------------------------------------------	----------------------------------------------	---------------------------------------------	----------------------------------------------

難尋 又送品上人入秦詩心知禪定處——對芭蕉

許彬送李處士歸山詩溪軒松偃坐——水臨門

張蠟送南海僧遊蜀詩瀑流垂——蘿蔓蓋銅梁寒

山詩——地爐砂鼎沸松黃柏茗乳香甌

朱德潤訪

劉道士詩雲林深處翠微多——春深長薜蘿

石漆

水經注博物志稱酒泉延壽縣南山出泉水大如

如凝膏然極明與膏無異膏車及水碓缸甚佳彼方人謂之——

石家

明一統志——河在廣平府肥鄉縣東南五里源

花賦枝枝迸發——歌舞千羣兩兩含情漢室妖嬈一

對杜牧薔薇花詩——錦障依然在閑倚狂風夜不

熏收李商隱牡丹詩——蠟燭何曾翦荀令香爐可待

薛逢悼古詩漢武玉堂人豈在——金谷水空流

李咸用金谷園詩——舊地聊登望寵辱從茲信可
驚唐彥謙詠葡萄詩——美人金谷遊羅幃翠幕珊

鉤瑚

石舍

明一統志——在柳州桂陽縣北二百餘里山有石室因名

石堂

明一統志——山在南陽府內鄉縣西五十里山洞若堂又名靈堂即麻衣子所居修道處王昌

齡謁焦煉師詩豈意——裏得逢焦鍊師李端呈鄭錫明詩高冠長劍立——鬢眉颯爽瞳子方白居易

酬吳七見寄詩君本上清人名在——間

石閨

夏允彞垂絲海棠賦——仙子甲仗宮娥蘇軾留題仙遊潭中興寺詩獨攀書室窺巖竇還訪仙

姝款

石閭

水經注洙泗二水交于魯城東北十七里闕里背洙泗牆南北一百二十步東西六十步四門各有

洙水百餘步

石房

鮑溶送僧文江詩吳王劍池上禪子——深賈島詩雲塞——路峰明雨外巔又冬月長安雨

中見終南山詩想彼——人對雪扉不閉薛能聖罔詩古跡是何王平身入——方干寒食宿光天寺無可上人房詩雙扉檜下開寄宿——苔又再題龍泉寺上方詩海岸四更看日出——三月任花燒

石亭

晉書李特載記特兄弟既以怨廩引兵歸綿竹廩恐朝廷討已遣長吏費遠犍為太守李苾督護常

俊督萬餘人斷北道次綿竹之——特密收合得七千餘人夜襲遠軍遠大潰宋書符瑞志孝武帝大明三年五月癸巳宣城宛陵縣——山生野蠶三百餘里太守張辯以聞明一統志——水在成都府漢州東北

二十餘里源出什邡縣之洛通山又觀音院在
南昌府西唐故相韋宙建以父丹遺愛碑在焉豐道

生真賞齋賦——留夜坐之圖林屋灑雞鳴之墨李

顯經渦路詩旦發——境夕宿桑首墟白居易寒亭

留客詩今朝閑坐——

中爐火銷殘尊又空

石臺

桂海巖洞志北潛洞在隱山之北中有石室——
石果之屬石果作荔枝胡桃棗栗之形人采取玩

之或以釘盤相問遺明一統志——在延平府順昌

縣治北甃石為之上有石闌干又——在慈谿縣西

南五十里其臺三層高五丈傍有石人跡尚存又——

一菴在南寧府城南十里宋建永樂中重修李頎覺

公院施鳥——詩——置香飯齋後施諸禽王建道

遙翁溪亭詩逍遙翁在此裴回帝改溪名起——鮑

溶秋夜懷紫閣峰僧詩紫閣夜深多入定——誰為埽

秋雲姚合春日江次詩野步出茆齋閑行坐——

鄭畋初秋寓直詩宿鳥翩翩落照微——樓閣鎖重扉
素楠傳堂堂金陵州草草——路又張虛靖園菴

扁曰歸寓次韻詩玉局講殘
春換劫——丹在草通經

石樓

唐書白居易傳東都取居履道里疏沼種樹構——
香山鑿八節灘自號醉吟先生為之傳述異

記洞庭山有宮五門東通林屋西達峨嵋南接羅浮北
連岱岳東有——樓下兩石扣之清越所謂神鉦昔有

青童秉燭騰飛輪之車至此其跡存焉章應物至西
峰蘭若受田婦饋詩聊登——憩下玩潭中魚白居易

易贈舒員外遊香山寺詩香山——倚天開翠屏壁立
波環迴李紳寒林寺詩見巖樹下賈島黃子陂上

韓吏部詩——云一別二十三春又贈僧詩鐵錫
挂臨海——聞異香朱慶餘送僧詩野望携金策禪

樓寄——鄭巢送姚郎中罷郡遊越詩幾處行杉逕
何時宿——劉得仁和段校書冬夕寄題廬山詩——

霞耀壁猿樹竊分枝
馬戴宿翠微寺詩
鳥歸雲壑
靜僧語——空
張喬宿江叟島居詩
——雲斷續澗

渚雁徘徊
皮日休寄題羅浮軒轅先生所居詩
紅翠
數聲瑤室響真檀
一炷——深
又晉書惠帝紀
帝旋

軍于宣武場舍于——
魏書陸真傳
遷安西將軍長
安鎮將假建平公胡賊帥賀略孫聚衆千餘人叛于——

——真擊破之
水經注淇水又東北
西流水注之水出
東大嶺下西流逕——南
又明一統志——縣在山

西平陽府隰州城北九十五里
本晉屈產泉建地漢為
西河郡上軍縣地東漢省後魏太和
中治吐京郡治吐

京縣隋初廢郡以縣屬西汾州
後改——縣屬隰州唐
初於縣置西德州貞觀初省州以縣屬東和州
後又廢

東和以縣屬隰州宋金元仍舊
又水經河水又南蒲
川——山南逕蒲城東
遁甲開山圖——山在琅瑯

昔有巢氏治此山南
明一統志——山在太原府興
縣東北五十里
一峰孤聳峭壁端直百丈之餘四圍不

可攀緣惟向北一小徑盤迴可達峰頂俛視羣山若丘

垤然又一一山在青田縣西七十里與石門山近時

有雲霧狀若樓觀又有石帆山亦在縣西又一一山

在金華府義烏縣東二十八里一名樓山四面孤絕兩

山相峙遠望如浮屠狀西巖層級高下類重樓複閣蓋

勝絕之地也又一一峰在安慶府皖山東勢若樓觀

又一一洞在嚴州府城西北四十里衆一攢聚如

李益一一見月詩故人今夜宿見月一中又洛

陽記洛陽南宮有承風觀北宮有增喜觀城外有宣陽

觀千秋鴻地泉城楊威一一等觀城外有鼎中觀張

協元武館賦既號元武是曰一一又述異記紫消山

有一一樹吳太皇元年郡吏伍曜於海際得之枝莖散

色有光南越謂

之石連理也

石閣杜甫昔遊詩林昏罷幽磬竟夜伏一一白居易

菩提寺上方晚望詩一一僧上來雲汀雁飛下

李賀酒罷張大徹索贈詩金門——知卿有豸角
雞香早晚舍寒山詩時披古佛書往往登——

石齋

殷堯藩過友人幽居詩——
盟四友年下頓生春

石庭

黃滔宿李少府園林詩明日綠
苔渾埽後——吟坐復容誰

石廊

明一統志——洞在吉安府福縣西一百二十里
洞門廣文餘澗水從中出溉田數百畝秉燭而入

初若絕路稍前數步則坦然空
曠如是者數處宋劉弇有詩

石壇

宋書符瑞志見嵩高下水經注漢水北出旬山
山下——上有馬跡五所名曰馬跡山雲笈七

籤老君戒文云西向流沙中無量國有巨石高二百丈
周旋一千五百里巨石北則有芥子城壁方四十里四
面——高二十丈飛仙一歲送一芥子著此城中以衣
拂巨石令消與平地無別芥子城令滿中芥子則時運

欽定四庫全書

卷四十一

周劫世轉一階也
庾信周隴右總管長史豆盧公神道碑銘——承祀豐碑頌靈
韋應物寄黃尊師詩結

茅種杏在雲端埽雪焚香宿——
盧綸號州逢侯釗同尋南觀因贈別詩放鶴登雲壁澆花遶——
李益

入華山訪隱者詩仙人古——
苔遶青瑤局沈亞之題侯仙亭詩新劍仙亭覆——
雕梁峻宇入雲端李

羣王敕極宮齋後詩一羣白鶴高飛上唯有松風吹——
栖白送王鍊師歸嵩嶽詩隔水見秋嶽兼霜埽——

倪瓚送張外史還山詩丹井夜寒光剌剌——
春靜元好問竊詩——
花落松風冷戛然長鳴人語定

蘇班

石營
蜀志姜維傳延熙十六年夏維率數萬人出——
經董亭圍南安魏雍州刺史陳泰解圍至洛門維

糧盡退還
明一統志——
在鞏昌府漢姜維出——
即此

石苑

溫庭筠雉場歌城頭却望
幾含情青畝春蕪連——

石觀

雲林石譜袁州萍鄉縣百來里名——窺兀一
山石洞穴深六七丈岩上垂石如鍾乳高低無數

石崇

明一統志——觀在建昌府南城縣
西五里唐建宋改冲虛後復今額

石祠

宋史王貞婦傳挈行至嵯青楓嶺下臨絕壑婦待
守者少懈齧指出血書字山石上南望慟哭自投

崖下而死後其血皆漬入石間盡化為石天且陰雨即
墳起如始書時至治中朝廷旌之曰貞婦郡守立——

嶺上易名

曰清風嶺

石廟

水經濟水又東逕漢平狄將軍扶
溝侯淮陽朱鮪冢注墓北有——

石倉

明一統志——在眉州彭山縣東北二十五里半
山石壁間有岸竇如蜂房相傳竇中嘗出米崖上

刻一米洞
四字今存

石廩

寰宇記衡山有一峰臨川縣亦有可容千斛開口則歲豐斂則歉地理通釋衡嶽職方荆

州山鎮在潭州衡山縣西三十里衡州衡陽縣北七十里有五峰曰紫蓋天柱芙蓉祝融明一統志

一峰在衡州府衡山形如倉廩有二户一開一闔湘中記云開則歲儉閉則歲豐又有風穴雷泓鬼裁石誦經

壇陳真人煉丹臺遺跡又一一在撫州府城東三十里狀如廩中可容千斛荀伯子記云一一開則歲歉

閉則年豐韓愈南岳詩紫蓋連延接天柱一一騰擲堆祝融李羣玉龍山人惠一方及團茶詩客有衡

岳隱遺余

一一茶

石門

春秋隱公三年冬十二月齊侯鄭伯盟于一注齊地或曰濟北盧縣故城西南濟水之門

左傳冬齊鄭盟于——尋盧之盟也 論語子路宿於

——史記南越尉佗傳樓船將軍將精卒先陷尋陝

破——得越船粟因推而前挫越鋒以數萬人待伏波

蜀志張嶷傳注益部耆舊傳曰嶷受兵馬三百人隨

馬忠討叛羌嶷別督數營在先至他里邑所在高峻嶷

隨山立上四五里羌於要厄作——於門下施牀積石

於其上過者下石槌擊之無不糜爛嶷度不可得攻乃

使譯告之曰汝汶山諸種反叛傷害良善天子命將討

滅惡類汝等若稽顙過軍資給糧費福祿永隆其報百

倍若終不從大兵致誅雷擊電下雖追悔之亦無益也

耆帥得命即出詣嶷給糧過軍 晉書慕容垂載記遣

建威將軍王騰起浮橋於——宋書自序傳大軍東

歸林子領水軍于——以為聲援還至郡高祖器其才

智不使出也 唐書宣宗紀大中三年二月吐蕃以秦

原安樂三州——驛藏木峽制勝六盤石峽蕭七關歸

于有司 又吐蕃傳結贊屯——以俱文珍馬寧馬奔

歸唐而囚漢衡叔矩河州辛榮廓州扶餘準鄯州宋
史河渠志渠口舊有六一謂之洪門今亦墮圯若復
議興置則其功甚大元史河渠志江南北皆東行北
舊無江冰鑿以辟沫水之害中為都江堰少東為大小
釣魚又東跨二江為一一以節北江之水又東為利民
臺臺之東南為侍郎楊柳二堰三輔黃圖雲陽宮記
云宮東北有一一山岡巒糾紛干霄秀出有石巖容數
百人上起甘泉觀水經崑崙墟在西北去高高五萬
里地之中也其高萬一千里河水出其東北陬屈從其
東南流入于渤海又出海外南至積石山下有一一河
水冒以西南流又河水又東流一一水南注之注水
出一一山又見山峽下又漢水又東合褒水注水
西北出衙嶺山東南逕大一一歷故棧道下谷俗謂千
梁無柱也又褒水又東南歷小一一蜀論云秦惠王
欲伐蜀而不知道作五石牛以金置尾下言能屎金蜀
王負力令五丁引之成道秦使張儀司馬錯尋路滅蜀

因曰石牛道蜀都賦曰岵以——其斯之謂也門在漢中之西襄中之北謝靈運遊名山志——澗六處——

——遡水上入兩山口兩邊石壁右邊石巖下臨澗水世說遠公在廬山中注法師遊山記曰自托此山二十

三載再踐——四遊南嶺東望香鑪峰北眺九江傳聞有石井方湖中有赤鱗踊出野人不能取直歎其奇而

已矣高士傳——守者魯人也亦避世不仕自隱姓名為魯守——主晨夜開閉述異記西蜀——山有

樹名曰枕柳皮裏出屑如麪用作餅食之與麪相似因謂之枕柳麪焉豫章古今記——山在建昌下流有

石梁如門睦州古蹟記為蟾蜍三足一在——限北為遊魚布影于石者一在外洞頂西北桂海巖洞志

曾公洞舊名冷水巖山根——研然入門石橋甚華曾丞相子宣所作明一統志——在順天府遵化縣西

北山峽嶄絕壁立其中洞開俗呼為——口漢陽太守張純叛靈帝遣中郎將孟溢公孫純戰于——即此

又——在平陽府解州東南白徑嶺踰中條山通陝
州道山嶺參天在左右壁立間不容軌謂之——又——

——山在順德府邢臺縣石勒遣石季龍進據——即此
又——山在直隸和州舍山縣南二十里有谷道十

里許石壁峙立如門商旅經行其間 又——山在登
州府文登縣東南五十里東西二石聳立如門又寧海

州東南五十里蓬萊縣西十五里俱有——山 又——
——山在兗州府平陰縣西二十五里山上有——東西

相向可通人行 又——山在臨洮府蘭州西南水經
瀕水東北經——山口山高峻險絕對岸如門 又——

峽在平涼府靜寧州南一百五十里山石如門其路斬
截即隴山北垂也 又——巖在汀州府連城縣東七

里雙石對峙壁立萬仞故名 又——關在遼東蓋州
衛東七十里 又——湯泉在西安府藍田縣西南四

十里唐時嘗大雪此地落即融有異僧云必溫泉也掘
之果然 庾信司馬裔墓誌銘——冰釋金堤電散

又高鳳好書不知流麥讚——雲度銅梁雨來麥流雖
遠書卷猶開江淹雜詞嘉——之埋名憐柳子之耽

道孫逖立秋日題安易寺北山亭詩高如——頂勝
擬赤城標李白送杜甫詩何時——路重有金尊開

龍門杜甫謁文公上房詩——刈稻了咏懷詩稻穫空雲水
又

川平對——又題張氏隱居詩澗道餘寒歷冰雪——
斜日到林丘韋應物雲陽館詩念昔白衣士結廬

在——又同越瑯琊山詩——有雪無行跡松壑凝
煙滿衆香王武陵宿慧山寺詩——吐明月竹木涵

清光柳宗元戲題——劉禹錫松江送處州奚使君詩
夢梅檀成林手所種

知君五陵客不樂——遊又罷郡姑蘇北歸渡揚子
津詩海閣——小城高粉堞明杜牧山寺詩峭壁引

行徑截溪開——施肩吾諷山雲詩閑雲生葉不
根常被重重蔽——朱慶餘送僧遊溫州詩——期

獨往謝守有遺篇
馬戴山行詩
一斜月入雲竇暗
泉通無可書
馬如文
一居詩林迴天闕
近雨過

一青皎然送旻上人遊天台詩
月思華頂宿雲愛
一行又春日杼山寄贈李員外
縱詩欲掇幽芳聊贈

遠郎官那賞
一春元好問下黃榆嶺
詩一細路無暗泉行人饑渴挽不前

石闥宋史魏勝傳
金人復遣五斤太師發諸路兵二十
餘萬來攻海州先遣一軍自州西南斷勝軍餉道

勝擇勇悍士三千餘騎拒
于堰金軍不能進

石窗明一統志
一在寧波府四明山
唐陸龜蒙云四
明山有峰最高四穴在峰上
每天色澄霽望之如

戶牖相傳
一四明之目也
姚合寄元緒上人詩
一蘇軾此世此清涼
方干送鏡空上人遊江南詩

應懷舊溪月夜過
一流又登雪竇僧家詩
見山霽
下張喬再題敬亭清越上人山房詩
一清吹入河

漢夜光流皮日休鹿亭詩為在——下成仙自不知
若虛懷廬山舊隱詩書架想遭苔蘚裹——應被薜

蘿纏

石扉

西京雜記
見石人下

石牖

寰宇記樓蓋山在石城縣楊
真人煉丹處石几——尚存

石戶

莊子舜以天下讓其友——之農——之農曰捲
捲乎后之為人葆力之士也以舜之德為未至也

于是夫負妻戴攜子以入于海終身不反也注——地
嵇康太師箴子州稱疾——乘桴徐陵勸進梁

元帝表伏惟陛下因百姓之心振萬邦之命豈可逡巡
固讓方求——之農高謝君臨徒引箕山之客江淹

雜詞苔蘚生兮繞——蓮花舒兮繡池梁謝靈運過
瞿溪山僧詩見山木下蘇軾詩我來叩——飛鼠翻

鴉白

石柱

魏志曹爽傳爽參軍楊偉為爽陳形勢宜急還不

然將敗注世語曰偉字世英馮翊人明帝治宮室

偉諫曰今作宮室斬伐生民墓上松柏毀壞碑獸

一

辜及亡人傷孝子心不可以為後世之法則宋史禮

志帝自制五嶽醮告文遣使醮告即建壇之地構亭立

一

刻文其上又陳堯叟傳再遷工部員外郎廣南

西路轉運使嶺南風俗病者禱神不服藥堯叟有集驗

方刻一州驛又以地氣蒸暑為植樹鑿井每三二十

里置亭舍具飲器人免暍死又王剛中傳成都萬歲

池溉三鄉田歲久淤澱剛中疏之累土為坊上植榆柳

表以一州人指曰王公之甘棠也三輔黃圖始皇

築咸陽宮因北陵營殿端門四達以制紫宮象帝居引渭

水灌都以象天漢橫橋南渡以法牽牛一十二梁橋之

南北隄繳立一咸陽北至九峻甘泉南至鄠杜東至

河西至汧渭之交東西八百里南北四百里離宮別館相望聯屬水經注淇水東北逕一岡東北注矣

明一統志一在衡州府耒陽縣西五十里高五六尺上有字磨滅可識者天寶十一年五字而已又一一

在南昌府寧縣西南二百里郁江口四面如削成柱又一一山在於潛縣東五里上有石天然成柱高二丈

圍一丈有古篆十數字或云秦時所刻今剝落不可辨又一一山在南陽府唐縣東南一百里山有一柱

有鐵環莫考其故又一一山在寧國府旌德縣西六十里相傳梁程靈洗抽矢射山有雙石挺然獨立而一

巨石承之乃靈洗立幟之所又一一山在嚴州府分水縣南二十里二山對峙各有如一高數十丈又

一一山在漢中府洋縣西北一百里山頂有一石盆又一一川在河南府登封縣東二十五里源出嵩山

之東龍潭之南庚信秦州天水郡麥積崖佛龕銘見山樓下盧照鄰病梨樹賦狀金莖之的的疑一一之

亭亭

杜甫冬到金華山觀因得故拾遺陳公學道遺

跡詩

陳公讀書堂——仄青苔 劉禹錫白舍人見訓

拙詩

因以寄謝詩名姓也曾鑄——詩篇未得上屏風

又經

伏波神祠詩鄉園辭——筋力盡炎洲 鄭谷

南宮

寓直詩粉廊曾試處——昔賢名 蘇軾遊羅浮

山詩

鐵橋——連空橫杖藜欲趁飛猱輕 僧大訢飲

仙橋

詩爛柯舊事憑誰

問——

題詩薜荔生

石礎

王泠然汝州薛家竹亭賦一門四柱——松櫺

石礫

梁書扶南國傳西河離石縣劉薩何出家名慧達游行禮塔至丹陽登城望見長干里有異氣因就

進拜果是育王塔所屢放光明由是定知必有舍利乃集衆掘之穿土九尺許方至——礫下有石函函內有

鐵壺以盛銀坩坩內有金

鏤罌盛三舍利如粟粒大

石砌

梁簡文帝神山寺碑銘見崖階下皮日休詩清
泉出——好樹臨柴關李山甫題李員外廳詩

——蛩吟響草堂人語稀又元史河渠志至治三年

三月大都河道提舉司言海子南岸東西道路當兩城

要衝金水河浸潤於其上海子風浪衝齧於其下且道

狹不時潰陷泥濘車馬艱於往來如以——之實永久

也之計

石鵲

李中咏泉詩泛花穿——瀉月下蓮塘馬祖常
追和許渾遊溪夜回韻詩直待月痕侵——還期

煙色認

柴關

石欄

闌同明一統志——水在廉州府欽州西五里水
底有——橫生張昱婆留井詩舊日婆留井未

煙——苔蘚上龍鱗王逢景陽井詩

——漫浣臙脂色不似相筠染淚痕

石檻

洛陽伽藍記明懸尼寺在建春門外——有四柱在道南銘云漢陽嘉四年將作大匠馬憲造

石甃

李白詩——冷蒼苔寒泉湛秋月劉禹錫楚州開元寺北院枸杞臨井繁茂可觀詩翠黛葉生籠

寒渠

殷紅子熟照銅瓶常袞詩金鋪深內殿——淨秦韜玉詩——通渠引御波馬祖常次韻王

參議寄上京胡安常諸公詩——冰嘶古不消廣寒張樂喜聞韶王逢同誼書記游查山留題淨無餘西南

林壑詩見

岩扉下

石階

南唐近事何敬洙善彈射性勇決微時為鄂帥李簡家僮李性嚴毅果於殺戮左右給使之入小有

過憊鮮獲全宥何嘗因薄暮與同輩戲於小廳下有蒼頭取李公所愛硯擊於手中謂諸僮曰誰敢破此何時

餘酣乘興厲色而應曰死生有命吾敢

碎之乃擲硯於——之上鏗然毀碎

石柵

明一統志 一山在永昌軍民府施甸長官司西十里

石龕

宋史高昌國傳次歷阿墩族經馬駿山望鄉嶺
上 一 有李陵題字處 水經注開山圖曰有巨

靈胡者偏得神元之道能造山川出河常有好事之人
故升華嶽而觀厥跡焉自下廟歷列柏南行十一里東
迴三里至中祠又西南出五里至南祠謂之北君祠諸
欲升山者至此皆祈請焉從北南入谷七里又屈一祠
謂之石養父母 一 木主存焉 梁簡文帝為人造丈
八夾紵金薄像疏水精龍塔永愴恨於遺髻明鏡 一
獨徘徊於留影 沈佺期九真山淨居寺謁無礙上人
詩小澗香為剎危峰 一作 王維送方尊師歸嵩山
詩仙官欲往九龍潭旒節朱幡倚 一 杜甫 一 詩
驅車 一 一 下仲冬見虹蜺 戴叔倫遊少陵寺詩 一
苔蘚積香徑白雲深 白居易遊悟
真寺詩一息幡竿下再休 一 一 邊

石塔

明一統志——在烏蒙軍民府東二十五里斷一成——高一丈許刻人馬螭蚪之形于上半已剝落

又獨高峰在桐廬縣北二十里突然一峰絕頂平坦上有——又——寺在揚州府城內舊名木蘭院宋

改院曰——寺又——長老宋僧住——寺蘇軾守維揚與之往還後退歸西湖軾以疏留之

石碑

禮記檀弓公室視豐碑注豐碑斲大木為之形如——于椁前後四角樹之穿中于間為鹿盧下棺

以緯繞後漢書儒林傳熹平四年靈帝乃詔諸儒正定五經刊於——為古文篆隸三體書法以相參檢樹

之學門使天下咸取則焉宋書五行志晉懷帝永嘉元年項縣有魏豫州刺史賈逵——生金可采此金不

從革而為變也水經河水又南出龍門口注魏土地記曰梁山北有龍門山大禹所鑿通孟津河口廣八十

步巖際鐫跡遺功尚存岸上并有廟祠祠前有——三所二碑文字紊亂不可復識碑是大和中立又澠水

又北水西有雁阜阜上有漢司農卿鄭康成冢——猶存文心雕龍碑者埤也上古帝王始號封禪樹石埤

岳故曰碑也周穆紀迹于奔山之石亦——之意也錄異記洪州建昌縣界野田中有自然——石人及龜

散在地中莫知其數皆如鐫琢之狀而無文字雲仙雜記烏重胤墓先世掘得——有云牛領岡前紅簫隴

下葬用丙日手板相亞重胤依而用之明一統志——在衡州耒陽縣東五里三國時諸葛亮斬雍閬擒孟

獲回軍經此立石紀功歲久字不可辨又相傳武侯立石誓蠻云後有功在吾上者宜立石于右至宋狄青破

儂智高回立碑其右後為雷所轟惟存斷碑顛仆其側韓愈黃陵廟碑湘旁有廟曰黃陵自前古立以祠堯

之二女舜二妃者庭有——斷裂分散在地其文剥缺考圖記言漢荊州牧劉表景升之立題曰湘夫人碑今

驗其文乃晉太康九年又其額曰虞帝二妃之碑非景升立者李嘉祐晚發咸陽詩秦家故事隨流水漢代

高墳對——又唐書憲宗紀元和元年六月丁酉高
崇文及劉闢戰于鹿頭柵敗之癸卯嚴礪又敗之于——
——宋史樊知古傳方議南征命高品石全振往湖
南造黃黑龍船以大艦載巨竹絙自荆南而下遣八作
使郭守濬算率丁匠營之議者以為江濤險壯恐不能
就乃于——口試造之移至采石三日橋成不差尺寸
從知古之請也

石碣

吳越春秋越王中分其師以為左右軍又令安廣
之人佩——之矢張盧生之弩躬率君子之軍六

千人以為中陣水經注狼水又西北入清水城西北
三里有項王之冢半許毀壞——尚存題云項王之墓

劉禹錫宜城歌花臺
側生樹——陽鐫額

石刻

宋史禮志言者謂陛下崇儒重道製為贊辭刻宸
翰于琬琰光昭往古寰宇儒紳孰不顧瞻雲漢之

章請奉——于國子監以碑本徧賜郡學從之新論
太山之有——凡千八百餘處而為識知者七十有二

明一統志——絳帖在平陽府舊在絳州儒學宋淳
化間摹勒古名人書于石宣德初移置晉王府元好

問濟南雜詩——燒殘讌
集辭雄樓傑觀想當時

石銘

魏書皇后封氏傳高宗初穿天淵池獲一——稱
桓帝葬母封氏遠近赴會二十餘萬人有司以聞

命藏之太廟又崔浩傳初郅標等立——刊國記浩
盡述國事備而不典而——顯在衢路往來行者咸以

好言事遂聞發有司按驗呂氏春秋今有人於此為
——置之曰此其中之物具珠玉玩好財物寶器甚多

不可不相相之必大富世世乘車食肉人必相與笑之
以為大惑世之厚葬也有似於此水經河水又東千


嶠之水注焉注水南導于千嶠之山今山側附路有——
云晉太康三年弘農太守梁抑修復舊道太嶠以東

西靖以西 潯陽記 湓城灌嬰所築建安中孫權經此
城自標井地令人掘之正得故井有一云漢六年潁
陰侯所開卜云三百年當塞塞後不滿百年當為應運
者所開權見銘欣悅以為己瑞時咸異之井甚深大江
有風浪此井輒動土人呼為浪井 開河記穿至一大
林中有墓古老相傳云宋司馬華元墓掘透一石室室
中漆燈棺柩帳幙之類遇風皆化為灰燼得一金刀
睢陽土地高竹木可為壕若也不迴避奉贈二金刀
又纔開斷未及丈餘得古堂室可數間搜得一上
有字如蒼頡鳥跡之篆乃召夫中有識者免其役有一
下邳民讀曰我是大金仙死來一千年數滿一千年背
下有流泉得逢麻叔謀葬我在高原髮長至泥丸更侯
一千年方登兜率天 書斷滕公冢內得一古人無識
者惟叔孫通云此古文科斗書也科斗者即上古之別
名也 地理通釋郡縣志一 陘嶺在代州靈丘縣西
北八十里上有 題言冀州北界故謂之 陘

石劇

本草——味甘
無毒止消渴

御定駢字類編卷四十一



總校官庶吉士臣侍朝

校對官檢討臣蕭九成

謄錄貢生臣郭祿泰